

MULUNGU KUDZIZINDIKIRITSA

YEKHA NDI ZIKHALIDWE ZAKE

 Ine ndinakhala ngati ndinali wodabwa kumuwona mzanga, Joseph Boze, pamenepo, ndipo ine ndinatembenuka ndipo ndinatenga kanthawi pang'ono kuti ndimugwire iye chanza.

² Tiyeni titembuzire tsopano mu Mawu a Mulungu, ku Ahebri, mutu wa 1. Ine ndikufuna kuti ndiwerenge, kagawo, ndime ya 1, ya 2, ndi ya 3, kuti tipezepo phunziro la usiku uno.

Mulungu, amene mu nthawi za amakedzana ndi mmachitidwe osiyanasiyana amalankhula mu nthawi zakale kwa makolo kudzera mwa aneneri,

Mmasiku otsiriza ano walankhula kwa ife kudzera mwa Mwana wake, amene iye wamusankha kukhala wolowa mmalo wa zinthu zonse, mwa ameneyonso iye anapanga maiko;

Amene pokhala mu mawalitsidwe a ulemelero wake, ndi chifanizo chofotokozedwa cha umunthu wake, ndi kugwiriziza zinthu zonse mwa mawu a mphamvu yake, pamene iye ana... anakhala pansi pa dzanja lamanja la Mfumu mmwambamwamba;

³ Tiyeni tiweramitse mitu yathu tsopano kwa pemphero. Ndipo tsopano mu Kupezeka Kwake Kwaumulungu, ngati inu muli ndi chopempha chirichonse chimene inu mukufuna kuti chidziwiike kwa Iye, mungokweza chabe dzanja lanu, ndipo icho ndi chopempha chanu, chimene Mulungu achi...

⁴ Atate athu Akumwamba, ife tikubwera tsopano pamaso pa mpando Wanu wachifumu, mwa chikhulupiro mu Dzina la Yesu Kristu, Mwana Wanu. Ndipo ife tapatsidwa chitsimikizo ichi, kuti, "Ngati ife tidzapempha chirichonse mu Dzina Lake, icho chidzaperekedwa." Ndipo Inu mukudziwa zokhumba zathu ndi zosowa zathu, ndipo Inu munalonjeza kuti mudzapereka zonse zimene ife tiri kuzisowa. Kotero, Atate, ife tikupemphera monga momwe Inu munatiphunzitsira ife, "Ufumu Wanu udze. Kufuna Kwanu kuchitidwe padzikola lapansi, monga ziliri Kumwamba." Kuti chopempha chathu, usikuuno, chikakhale monga mwa kukhumba Kwanu kupereka icho, ndipo mupereke kwa ife mwaiyi uwu. Muwadzodze Mawu, Ambuye, ndi olankhula onse ndi omvetsera, ndipo mulole Mzimu Woyerwa ubwere muno ndipo udzakhale wochita wa Mawu, usikuuno, pakati pathu. Pakuti ife tikupemphera izi mu Dzina Lake. Ameni.

Mukhale pansi.

⁵ Mawa mmawa, ine ndamvetsedwa, kudzakhala kadzutsa wa a Full Gospel Business Men. Kawirikawiri, kumene ali ndi chaputala, ine ndimakhala ndi mwayi wokalankhula pa kadzutsa wawo. Kufikira nthawi ino, ndi bungwe lokhalo, limene siliri bungwe, koma, gulu lokhalo limene ine—ine ndilimo, ndi Christian Business Men. Ndipo tsopano ine ndikumangowayankhulira iwovo, konsekone.

⁶ Tsopano, usikuuno, ife tikudalira kuti kusonkhana uku sikukhala pachabe. Ine ndabwera kwa inu, wotopa, kukhosu kosasa, ndipo ndalandira chifuwa pang'ono, kuchokera . . .

⁷ Ine ndikuchokera ku Tucson kumene kuli kwabwino ndi kowuma, ndipo ndabwera kuno ndipo ndi kwabwino ndi kwachinyezi, koteru pali kusiyana ndithu. Ngati inu nonse muli ndi madzi onse kuno, ngati inu mungawatumize iwo kumeneko, ife tingayamikire izo. Koma inu simungachite zimenezo, ndithudi.

⁸ Koma ine ndikukuuzani inu chinthu chimodzi, pali fanizo pamene. Zinthu zathu—zathu—zinthu zonse ku Arizona, mitengo yathu, ndi yodzadza ndi zobaya. Chirichonse chiri ndi chobaya. Ndi chifukwa chakuti ndi kowuma. Tsopano ngati thengo lomwelo litamera kuno, lingakhale tsamba labwino lokoma. Mwaona, ndi kopanda madzi, ndi chifukwa chake ilo limasanduka chobaya.

⁹ Ndipo pamene mpingo ukhala wopanda Madzi a Moyo, iwo umasanduka wouma ndi wobaya, nawonso, kubaya ndi kumenya pa chirichonse. Koma pamene Madzi a Moyo ayenderera, iwo amatsegulapo tsamba ndi kulipanga ilo lofewa, lolenda ndi lokoma, lopatulika ndi lovomerezeka kwa Mulungu. Kotero Ambuye Mulungu atithirire ife, usikuuno, kuti ife tisakhale zobaya; koma ife tikhale masamba abwino kuti anthu oyenda mnjira adzatthe kukhala pansi pa mtengo wa mthunzi wathu ndipo adzapeze mpumulo wa miyoyo yawo.

¹⁰ Tsopano ine ndikufuna kuti nditenge phunziro, usikuuno, ngati Ambuye alola, ndipo ine ndikukoka cholankhulira chaching'ono ichi moyandikiza basi mmene ine ndingathere, chifukwa cha kuperewera kwa mawu. Ine ndikufuna kuti, kuchokera pamene ife tawerenga apa ku Ahebri 1:1, ine ndikufuna kuti nditenge phunziro la: *Mulungu Kudzizindikiritsa Yekha Ndi Zikhaldwe Zake*. Mundilore ine ndibwerezenso zimenezo kachiwiri, chifukwa ine ndikudziwa kuti zolankhulira izi siziri bwino kuno. Mulungu amadzizindikiritsa Yekha ndi zikhaldwe Zake.

¹¹ Tsopano, pafupifupi chirichonse chimazindikiritsidwa ndi zikhaldwe zake. Ndipo ine ndiri ndi Malemba pang'ono apa amene ine ndikufuna . . . ndi kolemba, kamene ine ndikufuna kuti ndiziwonera. Tsopano, chikhaldwe cha chirichonse chimazindikiritsa chimene icho chiri.

¹² Tsopano, monga mu chirengedwe chonse, maluwa amazindikiritsidwa, nthawi zambiri, ndi chikhaliidwe chawo. Ngati iwo ali moyandikana pamodzi, a mtundu umodzi ndi limzake, chikhaliidwe cha duwa limenelo chimazindikiritsa chimene duwalo liri. Ndipo mu zinyama, nthawi zambiri...

¹³ Ine—ndine msaki. Ndipo iwe umayenera kudziwa chikhaliidwe cha nyama imene iwe ukuisakayo, kapena nthawizina iwe ukhoza kunyengedwa ndithudi. Mwa chitsanzo, ngati Nkhosa za M'miyala kumtunda uko mu British Columbia. Ine ndinali ku Yukon kugwa kwa masamba kwapitaku, abale angapo kuno tsopano anali nane, ndipo ife tinali kusaka.

¹⁴ Tsopano ngati iwe sukudziwa kusiyanitsa kwake, pamene iwe ukusaka nkosa kapena gwape, iwe sungathe kudziwa kusiyanitsa kwake pokhapokhapo iwe utakhala msaki wothyathyalika. Chifukwa, izo zimapanga mtundu wofanana wa mikukuluzi; izo zimanjanja pamene izo zikuthawa. Ndipo pamene iwe uwona ina itaima patali, itabisa mutu wake, bwanji, iwe—iwe sungadziwe konse kusiyanitsa kwake. Izo zimakhala pafupifupi za usinkhu wofanana ku gawo la kumbuyo; ndi koyerwa, chimodzimodzi ngati gwape. Zingakhale zovuta kwambiri kuti iwe uzisiyanitse izo. Koma nyanga zake zimazindikiritsa chikhaliidwe chake, ndi nyanga zimenezo. Nkhosa zimakhala ndi nyanga zozungulira, ndipo gwape imakhala ndi nyanga zosongoka zimene zimatulukira. Ndipo chinthu china, gwape sangakwere mmmwamba chotero, kuti akadye.

¹⁵ Ndiyeno mbuzi, ikamayenda, nayonso, pali chikhaliidwe mwa mbuzi, ndi nkosa, mwakuti iwe uyenera kudziwa kuzisiyanitsa kwake mwa izo, pamene iwe uli pamwamba apo, chifukwa zonse ziwiri zimakhala pamwamba m'phiri. Iwe umayenera kudziwa kusiyanitsa kwake. Koma ngati inu mungazindikire, mbu—mbuzi imadzipunthwa yokha pamene iyo ikuyenda; pamene, nkosa imakhadzikitsa mapazi ake pansi monga *chonchi*, pamene iyo ikuyenda. Chikhaliidwe cha m'mene iyo imapangira mkukułuzi wake. Inu mumazindikira nyama yanu ndi zikhaliidwe za chimene iyo imachita, ndi m'mene iyo imachitira, ndi chimene iyo imadya, ndi chirichonse. Iyo imadzizindikiritsa yokha ndi khaliidwe lake. Ndiyeno inu muilumphe imodzi, ndipo muwone zimene zimachitika, inu mukhoza kudziwa momwe izo zikuyendera. Inu mukhoza kudziwa ndi chikhaliidwe chimenecho cha nyama yosiyanana.

¹⁶ Ndiye kodi inu munayamba mwazindikirapo, ine sindikudziwa ngati inu muli nazo izo kuno kapena ayi, a nantchengwa achikasu; chabwino, nanthambwe ndiye dzina lake lolondola la izo, ndi katawa. Katawa amakhala pafupifupi usinkhu wofanana ndi nantchengwa wachikasu. Ndipo inu mukaziwona ziwigizo zikuuluka, zonse ziwiri zimakhala pafupifupi mtundu umodzi wa mbalame. Ngati inu mutati

musawone mtundu wake, koma kungoziyang'ana izo, inu mutha kudziwa kuti nantchengwa wachikasu ndi uti. Katawa amauluka, mochuluka kapena mofananirapo, mu mzere wa njuchi. Koma nantchengwa wachikasu, amatambasula mapiko ake; pamene iye akukupiza mapiko ake, iye amapita mmusi kenako m'mwamba, mmusi kenako m'mwamba. Mwaona, iye amazzunguliza yekha, monga *choncho*, ndipo inu mukhoza kudziwa kuti chimenecho ndi chikhaliidwe cha nantchengwa wachikasu, m'mene iye amaulukira.

¹⁷ Ngati inu mungazindikire chi-chinziri pamene icho chikutuluka, m'mene icho chimabwerera. Ndiyeno mudzawone inu mukadzakhala mchithaphwi, kumene chinziri chikhzoa kukhalako, ndi—ndi chingolopiy. Inu asaki mukudziwa zimenezo. Chingolopiy cha Wilson ndi chingolopiy cha jack, izo zimadzizindikiritsa zokha ndi m'mene izo zikutulukira ndi m'mene izo zikupitira. Izo zimadzizindikiritsa ndi zikhaliidwe zawo za mawulukidwe, mtundu wa mbalame umene izo ziri. Chotero, ngati iwe utangozimva izo, iwe ukhoza kungodziwa imene iyo inali, m'mene iyo imatulukira, chimene iyo ili, mwa chikhaliidwe chake choulukira.

¹⁸ Chimodzimodzi ngati mwamuna ndi mkazi. Awiri onsewo ndi anthu, koma mkazi amakhala ndi zikhaliidwe zosiyana ndi mwamuna. Ine ndimawerenga kuno, nthawi ina kale, zokhudza Solomoni ndi mfumukazi. Ine sindinathe kufika poti ndilalikire Uthenga wanga wawung'ono apa, kwa inu, pa za mfumukazi ya Kum'mwera, akubwera kuti adzamuwone Solomoni, ndi kuwona mphatso ija ya kuzindikira. Ine ndinali kuwerenga zokhudza zimenezo, kuno osati kale litali, ndipo iwo ananena, kuti, "Umodzi wa mikuluwiko imene inaikidwa pamaso pa Solomoni, unali, mfumukazi iyi inatenga mkazi, kapena akazi, kani, ndipo inawaveka iwo ngati amuna."

¹⁹ Tsopano, zimenezo zinali zachirendo mu tsiku limenelo, koma izo ndithudi zikuchitikabe mpaka, lero. Ndipo—ndipo inu mukudziwa zimenezo ndi zolakwika. Baibulo linanena kuti mkazi asamachite zimenezo. "Ndi chonyasa kwa mkazi kuvala chovala choyenera mwamuna." Ndipo Mulungu wosasinthia ananena zimenezo, koteri izo nzoona.

²⁰ Kotero ife tikupeza kuti Solomoni, sikuti ankangowayang'ana iwo, iye anawayendetsa iwo kapena anawachititsa chinachake, ndipo nthawi yomweyo anati, "Ndi akazi." Mukuona, iye anatha kudziwa mwa chikhaliidwe cha mkazi ameneyo, m'mene iye amadzichitira yekha, kuti iye anali mkazi osati mwamuna.

²¹ Ndiyeno pafupifupi chirichonse mwanjira imeneyo, ndi zikhaliidwe zake. Chimodzimodzi ngati anthu ambiri ndi adzanja lamanzere, ndi adzanja lamanja. Iwo ndi chikhaliidwe cha m'mene iwo amadzichitira okha. Inu mukhoza kudziwa kuti

ndi munthu wa dzanja lamanja kapena wa lakumanzere, mwa m'mene iwo amadzichitira okha, m'mene iwo amagwirira nthawizondere pogwiritsa ntchito dzanja lamanzere ilo kapena dzanja lamanja.

Ndipo kumbukirani, Yesu anali ndi chinachake chonga chimenecho, kuti . . .

²² Manja awiri amakhala pafupifupi . . . Iwo ndi ofanana. Iwo ali ndi madindidwe ofanana a chala chachikulu, kudinda kwa zala, zala zisanu; chaching'ono, chankombaphala, ndi zina zotero. Chimodzimodzi monga dzanja lamanja ndi dzanja lamanzere liri ndi zala za mtundu wofanana, nthawizambiri, dzanja la usinkhu wofanana, ndendende basi. Ndipo kusiyantisa kokhako kumene kulipo, mwa izo, ndi chakuti lina ndi lamanzere ndipo linalo ndi lamanja. Ndiko kusiyantisa kokhako kumene inu mungakuzindikire. Lina ndi lamanzere, linalo ndi lamanja.

²³ Chotero ndiye mmenemo, Yesu anati . . . Ine nditha kuponyerapo mfundo yaying'ono apa. Yesu anati, mu Mateyu ²⁴, kuti, "Zikhalidwe za Mzimu zidzakhala mwanjiraina zofanafana mmasiku otsiriza, moyandikana kwambiri mwakuti zikanadzanyenga osankhidwa kumene ngati kukanakhala kotheka." Mwaona, iyo ikanadzakhala basi . . .

²⁴ Inu mukatenga dzanja lanu ndipo nkungoligwizira ilo m'mwamba. Mukuwona, ngati inu simumadziwa, limodzi la ilo limawoneka ngati limzakelo, mwanjira iliyonse, koma limodzi la ilo ndi lamanzere ndipo linalo ndi lamanja.

²⁵ Ndi m'mene mizimu ikukhalira mu tsiku lotsiriza. Iyo mwanjira ina ndi yofanana, koma iyo ili ndi chikhaliidwe chimene chimaizindikiritsa iyo. Umodzi ndi wolondola, ndipo winawo ndi wolawkika, ndipo iyo ukhoza kuzindikiritsidwa ndi chikhaliidwe chake.

²⁶ Mzimu wa Mulungu ukhoza kuzindikiritsidwa ndi chikhaliidwe Chake. Mukuona? Mzimu wa Mulungu, ndi mzimu wa mpingo. Pali mzimu wa mpingo, ndi Mzimu wa Mulungu umene mwamtheradi siuli monga mzimu wa mpingo, nkomwe.

Pali mzimu wa chipembedzo.

²⁷ Pali mzimu wa fuko. Ulipo mzimu wa fuko. Fuko lirilonse, pamene ine ndilowa, inu mukalowa m'menemo, inu mukapezamo mzimu wosiyana. Ine ndinapita ku Finland, anthu abwino, koma kumeneko kunali mzimu wachi Finnish. Ine ndikapita ku Germany, kuli mzimu wachi German.

²⁸ Kuno osati kale litali, ine ndinali kuyenda ndi mkazanga, pamene ife tinali kukhalabe ku Indiana, zaka zingapo zapitazo, uko kogulitsirako kwakung'ono. Ine ndinali nditangofika kunyumba. Ife timayenera kuti tipite tikagule chakudya china. Ndipo tiri pa njira tikupita kumeneko, ife . . . Iyo inali nyengo

ya chilimwe, inu mwina simutha kukhulupirira izo, koma ife tinampeza dona atavala diresi. Ndipo izo zinali zachilendo kwambiri, ine... Izo zinandidzidzimutsa ine. Ine—ine ndinati, “Taonani apo, zimenezo zikuwoneka zachilendo, mkazi uyo wawala diresi.” Ena onse a iwo anali atavala zovala zimene sizinali... zosayenera kwa mkazi. Ndipo—ndipo iye anati... ine ndinati, “Chabwino, umenewo ndi mzimu wachi Amerika basi, mwaona, mzimu wachi Amerika.”

²⁹ Tsopano, mzimu wachi Amerika, ndi... liyenera kukhala fuko la Chikhristu, koma mzimu wa fuko lino si wa Chikhristu. Ilo likhoza kumatchedwa fuko la Chikhristu, koma ilo liri mamailosi mamilioni kwa izo, mu chikhalidwe. Kotero, mkazi yuu, ine ndinati... .

Iye anati, “Chabwino, kodi sindife Achimerika?”

³⁰ Anati, ine ndinati, “Ayi. Ife timakhala kuno. Ili ndi dziko lathu. Ife—ife—ife timakhala mmenemo. Ife timalikonda ilo. Ilo ndi fuko lopambana mdzikoli. Koma, apobe, ife si Achimerika.” Ine ndinati, “Ife tinabadwa kuchokera Kumwamba. Mzimu Woyeru unatsika pansi, ndipo ife ndi a Ufumu. Si wa dziko lino.” Ine ndinati, “Ndi chifukwa chake azilongo athu amavala madiresi, amasunga tsitsi lalitali, samadzipentapenta. Mwaona, zikhaldidwe zaho zimawazindikiritsa iwo ngati ‘achiyero kwa Ambuye,’ kuchokera Kumwamba.”

³¹ Chotero, ife tikufunafuna Ufumu. Ife tikufunafuna Mfumu kuti ibwere ndipo idzalandire anthu Ake ku Ufumu Wake. Ndipo iwo amadzindikiritsidwa ndi zikhaldidwe zaho—zaho, kuti chuma chawo si cha dziko lapansi lino kapena cha fuko lino. Ndi cha kumwamba, mu Ulemelero. Chotero, iwo, “Iwo akufunafuna Mzinda Umene Woumanga ndi Woupanga Wake ndi Mulungu.” Iwo azindikiritsidwa bwino bwino.

³² Ndkukhumba ndikanakhala ndi mawu okwanira oti ndidzalalikire kwa inu usiku wina. Koma ine—ine ndichoka kwa izo. Tsopano, kuzindikiritsidwa ndi zikhaldidwe zake.

³³ Ife tikupeza chitsanzo chabwino apa mu nthawi ya Israeli, kubwera mu dziko lononjezedwa. Ndipo Mulungu anali atawaitana iwo monga mwa lonjezo Lake. Iye anamuuu Abrahamu kuti, Iye akanadzatero... mbewu yake ikanadzakhala mu fuko lachilendo ili, kwa zaka mazana anai, ndipo kenako Iye akanadzaiwombola iyo ndi dzanja lamphamu lalikulu, ndipo iwo akanadzapita ku dziko, kenako, analonjezedwa, loyenda mkaka ndi uchi. Ndiyeno pamene nthawi ya lonjezo inayandikira, apo panabwera a—Farao amene samaudziwa utumiki waukulu wa Yosefe umene iye anali nawo pakati pavo.

³⁴ Ndipo, ichi, Mulungu anadzutsapo mneneri dzina lake Moses. Ndipo mwamunayo anaphunzitsidwa mu nzeru zonse za Igupto. Nzosakayikitsa koma chimene iye anali munthu wamkulu,

wochenjera, wa nzeru, pakuti iye amatha kuwaphunzitsa Aigupto nzeru. Zimawoneka ngati anali mwamuna wokwanira—wokwanira bwino chiwombolo.

³⁵ Koma, inu mukuona, chimene ife timachitcha chiwombolo, ndi chimene Mulungu amachitcha chiwombolo, pali kusiyana kwinakwake.

³⁶ Tsopano tapenyani munthu uyu ndi luntha lake lonse. Iye ankadziwa kuti iye anabadwa kuti adzawombole ana a Israeli. Komabe, ndi maphunziro ake onse, ndizo zonse zimene iye ankazidziwa, ndipo podziwa kuti iye anaitanidwa ndi Mulungu kuti akaigwire ntchitoyo, iye anali nazo zonse... Iye anali ndi Bachelor of Art yake, ndi Ph.D. yake, ndi LL.D., ndi zina zotero. Ndipo iye anapita kuti akawombole Israeli, ndipo analephera kwathunthu.

³⁷ Tsopano zindikirani, zimawoneka ngati, iyeyo pokhala ali ndi phazi lake pa mpando wachifumu mu Igupto, kuti adzakhale Farao, kuti iye akanadzakwanitsa kuwawombola ana a Israeli iye atatha kukhala Farao, chifukwa iye anali wotsatira pa mzere wa—wa mpando wachifumu. Koma, inu mukuona, kuti, pochita izo mwanjira imeneyo, sakanazindikiritsa chikhalidwe cha Mulungu mu kuombola anthu Ake.

³⁸ Iye anati Iye akanadzawawombola iwo. *Iye* akanati “adzawawombole iwo ndi dzanja lamphamvu,” osati Mose ndi gulu la ankhondo amphamvu, koma Mulungu ndi dzanja lamphamvu.

³⁹ Ife tikupeza kuti mneneri uyu anathawa ndipo anakhala mu chipululu kwa zaka forte. Zinamutengera Farao zaka forte kuti aikemo maphunziro mwa iye, ndipo zinamutengera Mulungu zaka forte kuti azichotsemo izo mwa iye. Chotero ife tikupeza, tsiku lina, kuti iye, kuseri kwa chipululu, anakumana ndi Ambuye Mulungu mu chitsamba chonyeka, mmawonekedwe a Lawi la Moto liri pa chitsamba. Ndipo iye anafunsidwa kuti avule nsapato zake, kuti, malo amene iye amaimapowo anali opatulika. Tsopano tayang'anani pa munthu wabwino, wotukuka, wophunzira uyu, amene anakhalapo, tayang'anani kusintha kwa zikhaldwe zake atatha kukomana ndi Mulungu. Iye anachita chopambana...

⁴⁰ Nthawizina Mulungu amachita zinthu mwanjira yophweka chomwecho, ndiponso mwanjira yopusa chomwecho, kwa maganizidwe achithupithupi. Zindikirani munthu amene anakhala wolephera kwathunthu; ali ndi ankhondo onse a Igupto ndi chirichonse pafupi pake kuti achite chifuniro cha Mulungu, ndi maphunziro ake onse, pa usinkhu wa zaka forte zakubadwa, mu unyamata wake. Apa iye ali, usinkhu wa zaka eyite, mmawa wotsatira, ali ndi mkazi wake atakhala pa chishalo cha bulu, ali ndi mwana wake pa ntchafu pake, ndi ndodo mdzanja lake, akutsikira kupita ku Igupto, kuti akalande. Inu

mukanena za mawonekedwe opanda nzeru! Koma kumeneko kunali kuwonetsera zikhaldidwe za Mulungu, chifukwa Iye anali ndi munthu amene akanakhulupirira Mawu Ake. Ndizo zonse. Chinthu chake chinali, kodi inu mungalingalire kuwukira kwa munthu-m'modzi akupita ku Igupto, kumene, ankhondo anali atalephera? Koma chinali chiyani icho? Chikhaldidwe chake, njomba zake zinali zitasintha. Iye amapita mu Dzina la Ambuye, "INE NDINE AMENE NDIRI INE." Chinthu chake cha izo chinali, iye analanda. Iye anatero, chifukwa iye anapita mu Mphamvu ya Ambuye.

⁴¹ Ali pa njira yake, akutsogolera Israeli kupita ku dziko lolonjezedwa, iye anadzakomana ndi m'bale wake, m'bale wake wachipembedzo, Moabu. Tsopano, Moabu, mwanjira iliyonse, sanali achikunja. Amenewo anali ana a mwana wamkazi wa Loti. Mmodzi wa ana awo anali—analı ataphukitsa Moabu.

⁴² Tsopano, kumeneko, ine ndikufuna kuti inu muzindikire mafuko awiri awa, motsutsana. Apa panali Igupto, womwazikana, pang'ono, wopanda fuko loti nkupitako, wopanda adindo kapena mfumu, kapena opanda kalikonse, kapena oyang'anira aliwonse pakati pawo, basi anthu ali panjira yawo waku dziko lolonjezedwa. Ndipo apa iwo anadutsa mu dziko la Moabu. Izo zinali mu mzere kumene wa lonjezo.

⁴³ Ndipo Moabu, nayenso, anali okhulupirira mwa Yehova, ndipo iwo anali ndi mneneri. Ndipo Israeli anali naye mneneri. Awiri onsewo anali nawo aneneri.

⁴⁴ Ndipo tsopano zindikirani, iwo anali atafika ku malo amene mneneri wa fuko la chibungwe anali akubwera kuti adzatemberere fuko lina ili, chifukwa ilo linali longoyendayenda chabe, losakhala ndi malo ena oti lidzikhalako. Kotero iwo anabwera kumeneko.

Ndipo anawawona aneneri awiri amenewo: Pamene zifika kunena mwachikhazikitso, awiri onsewo anali olondola ndendende. Chifukwa, zindikirani, Balaamu, bishopu, anawauza iwo, "Tsopano inu mundimangire ine maguwa seveni."

⁴⁵ Seveni ndi nambala ya thunthu ya Mulungu, kuimirira Mibadwo Seveni ya Mpingo, masiku seveni a chirengedwe, zina zotero. Tsopano zindikirani, seveni, Mulungu amakhala wathunthu mu seveni.

⁴⁶ "Maguwa seveni, ndipo pa guwa lirilonse muyikepo mwa—mwana wang'ombe wamphongo." Tsopano zimenezo ndi ndendende guwa lomwelo limene iwo anali nalo mu msasa wa Israeli. Ali kumeneko ku Israeli, ali ndi guwa lomwelo iwo anali nalo kuno; ndi nsembe yomweyo, mwana wang'ombe wamphongo ndi mwana wang'ombe wamphongo; mneneri ndi mneneri. Mafuko awiri, akutsutsana.

⁴⁷ Chitsanzo changwiro kwambiri cha tsiku limene ife tiri nkukhalamo, ngati ife tikanakhala ndi nthawi kuti tipite mu zimenezo. Zindikirani Mulungu akuchita izi mwa fanizo, kuti ife tidzakhoze kupeza, zikuyendera limodzi.

⁴⁸ Tsopano, aponso, Balaam anafuna nkhosa yamphongo pa guwa lirilonse. Zimenezo zinali kulankhula za chikhulupiriro chake mwa Mesiya wakudzayo. Nkhosa yamphongo, nkhosa yaimuna, ndi nsembe yomweyo iwo anali nayo uko ku Israeli; uko ku msasa wa Israeli, kumtunda kuno ndi...mu Moabu. A...Mwachikhazikitso, iwo awiri onse anali olondola, koma, zindikirani, mwachikhazikitso mu chipunxitso.

⁴⁹ Koma mneneri m'modzi uko mu msasa wa Israeli anali ndi zikhalidwe za Mulungu ndi Mawu a Mulungu. Iye anakhala ndi lonjezo la Mulungu la m'badwo umenewo, chifukwa iye anali mu mzere wopita ku dziko lolonjezedwa. Mukuona?

⁵⁰ Tsopano, kunena mwa gawo la chikhazikitso, Balaamu, Balaki akanazindikiritsidwa basi chimodzimodzi monga Mose.

⁵¹ Koma, inu mukuona, Mose, pokhala mneneri wolondola wa Mulungu, sikuti anangokhala ndi magawo achikhazikitso, koma anali ndi kuzindikiritsidwa ndi Mulungu. Mwaona, iye anali mu mzere wa ntchito, ndendende zimene zinalonjezedwa za m'badwo umenewo; osati za m'badwo wa Nowa, koma za m'badwo wa panthawiyi. "Ine ndidzakutengerani inu ku dziko loyenda mkaka ndi uchi." Iwo anali ali pa njira yawo, ndipo Israeli anazindikiritsidwa ndi mneneri wawo, Mose, ndi Uthenga wa M'badwo umenewo. Zikhaldidwe za Mulungu zinazindikiritsidwa mwa Mose. Lawi la Moto linali kumutsatira iye. Iye nayenso anali ndi chitetezero chikuchitachita; osati kulankhula za izo, koma anali nazo izo zikumuchitikira. Osati zimene ziti zidzakhale; zimene zikuchitika pakali pano!

⁵² Zindikirani, iye anali ndi njoka ya mkuwa imene inali itakwezedwa m'mwamba chifukwa cha kudwala ndi nthenda za anthu, koteri Mose amachita machiritso Auzimu. Iye anali ndi chitetezero, njoka ya mkuwa imaimirira kuti Mulungu anali mu msasawo, ndipo anthu anali kuyang'ana pa njoka ya mkuwa iyo ndipo amachiritsidwa.

⁵³ Iye nayenso anali ndi Thanthwe lokanthidwa likumutsatira iye. Ndipo chimenecho chimamuzindikiritsa Mulungu, kuti azisunga Madzi a Moyo pakati pawo, chimwemwe ndi chipulumutso, kuti iwo asawonongeke koma anali ndi Moyo wosatha. Ichu chinali choimira cha... Thanthwe lokanthidwa lija mu chipululu linali choimira cha Khristu akukanthidwa.

⁵⁴ Ndiye, iwo amayenda mu mzere wa lonjezo. Chimenecho chinali chizindikiritsa china, kuti awonetsero chikhaldidwe cha Mulungu. Ziribe kanthu kuti winayu anali wa chikhazikitso motani ndi Mawu; iye anali ndi chikhazikitso, kuphatikizirapo chizindikiritsa, ndi chikhaldidwe cha Mulungu pakati pawo.

Mulungu amadzizindikiritsa Yekha. Aneneri awiri, awiri onsewo aneneri, ndipo awiri onsewo achikhazikitso; koma Mulungu anazindikiritsa zikhaldidwe Zake mwa Mose, chifukwa iye anali ndi zikhaldidwe za Mulungu limodzi naye.

⁵⁵ Tsopano, kachiwiri, zikhaldidwe za Mulungu nthawizonse zimakhala zauzimu, chifukwa Iye ndi wauzimu. Mulungu ndi wauzimu. Ndi wosazolowereka, nthawizonse, kwa kachitidwe kamakono ka kaganizidwe ka tsikuli. Inu mukudziwa zimenezo. Mulungu nthawizonse wakhala akusokoneza dongosolo, kwa ma—kwa magulu achipembedzo mu m'badwo uliwonse umene wadutsapo.

⁵⁶ Ndipo palibe nthawi imodzi nkomwe imene munthu kapena gulu la anthu anadzipangapo okha bungwe limodzi pa uthenga koma amene iwo anafa ndipo anakaikidwa pa alumali ndipo sanadzukeponso kachiwiri. Palibepo mbiriyakale. Achilutera, Apresibateria, Amethodisti, Abaptisti, Apentekosite, ndi ena otero, sanadzuke nkomwe kachiwiri, pamene iwo apita kukawupanga gulu Iwo.

Mulungu amachita ndi aliyense payekha payekha.

⁵⁷ Zindikirani, Iye ndi wosazolowereka kwambiri kwa njira ya kaganizidwe. Mwaona, ife timachoka mu kachitidwe, ndipo ife timayenera kukhulupirira Iwo mwanjira *iyi*. Ndipo kenako Mulungu amabwerapo ndi Mawu Ake amene Iye anawalonjeza, ndipo amadzizindikiritsa Yekha mu Mawu amenewo. Gulu *ili silingathe* kupita kwa Iwo, chifukwa ilo silikuwakhulupirira Iwo. Mwaona, ilo ladzidula lokha kuchoka kwa Iwo.

⁵⁸ Monga Yosefe, iye anali mwana wa Davide, ndiponiso munthu wabwino, Yosefe mwamuna wa Maria. Iye anali munthu wabwino, ndipo sindikukaikira amawerenga Baibulo, mipukutu, mosalekeza, chifukwa...ndipo ankayembekezera kuti Mesiya akubwera, ndipo amayenera kudziwa chimene Lemba linanena kuti chidzachitika. Yesaya anati, “Namwali adzaima.”

⁵⁹ Chabwino, tsopano, iye amayenda ndi mtsikana wamng’ono uyu, Maria, mwinamwake wausinkhu wa zaka eyitini, ndipo iye mwinamwake anali wokulirapo pang’ono. Ndiyeno pamene iwo anatomerana kuti adzakwatirane, iye nkuwonekera kuti akhala mayi. Tsopano zimenezo zinali ngati zolimbirapo kwa Yosefe kuti akhale ngati akhazikike pa icho. Sindikukaikira kuti Maria anamuua iye kuyenderedwa ndi Gabriele. Koma ife tikuzindikira, m’mene khalidwe lake limamutsogolera iye, iye anakaikira ichi.

⁶⁰ Tsopano iye anapezeka kuti akhala mayi iwo asanakwatitsidwe. Ndipo, mu Baibulo, chilango chimenecho chimakhala imfa, pogendedewa miyala. Mkazi wosakwatitsidwa kupezeka akukhala mayi, iye amayenera kugendedewa miyala.

Simumakhala uhule mu Israeli. Iwo unachotsedwamo. Kotero ife tikupeza kuti, mu Deuteronomie, amatiuza ife zimenezo.

⁶¹ Tsopano ife tikupeza kuti, Maria, anawoneka ngati iye anali kuyesera kuti amugwiritse ntchito Yosefe ngati chishango cha mchitidwe wina umene iye anali attachita. Chifukwa, ngati iye anapezeka ali kale kuti akhala mayi iwo asanakwatirane, ndiye iye ankayenera kuti agendedewe miyala, ndipo iye amayenera kuhala ndi winawake tsopano amene akanakhoza kuimirira ngati chishango kwa iye. Ndipo zimenezo zinawoneka, kwathunthu, ngati kuti zinali zimene iye amayesera kuti achite.

⁶² Koma Yosefe poyang'ana mmaso ake aakulu okongola, ndipo iye anati, "Yosefe, Gabriele anati kwa ine, 'Mzimu Woyeru udzakuphimba iwe, ndipo Chinthu ichi chimene chidzaikidwe mwa iwe—mwa iwe ndi cha Mzimu Woyeru. Ndi Mulungu. Ndi chimene icho chiti chidzatchedwe, "Mwana wa Mulungu."" Ndipo, Yosefe, iye—iye—iye anafuna kuti akhulupire zimenezo, koma zinali zosazolowereka kwambiri. Zimenezo zinali zisanachitikepo nkale lonse.

⁶³ Ndipo ndi mmene ziliri lero. Ngati ife titangotero kokha... Ngati ine ndikanakhala nayo njira ina yowatengera anthu kuti awone kusazolowereka kwa chirichonse, ngati icho chizindikiridwa ndi Mawu, ndiye zikhaliidwe zake zimatsimikizira chimene icho chiri. Ndi Mulungu akuchitachita.

⁶⁴ Yosefe ankayenera kudziwa izi. Iye ankayenera kudziwa zoti, "Namwali adzaima." Koma iye anali woona za izo. Iye sanafune kuti amusiye iye, mwamseri, koma iye—iye amasinkhasinkha za kuchita izo.

⁶⁵ Ndiyeno Mngelo wa Ambuye anawonekera kwa iye mu loto. Kodi inu munayamba mwadabwapo chifukwa chiyani Iye anawonekera mu loto? Kunalibeko aneneri m'masiku amenewo. Loto lawo limakhala lophweka kwambiri, ilo silimasowe kera kutanthauzira. Anati, "Yosefe, iwe mwana wa Davide, usawope kudzitengera wekha Maria mkazi wako, pakuti chimene chikuyembekezeredwa mwa iye ndi cha Mzimu Woyeru." Mwaona, zitatero, izo zinakhazikitsa izo. Mwaona, Iye anabwera kwa iye mu loto, mongobwerezwa. Koma, inu mukuona, kunalibeko mneneri kumeneko woti azindikire Mawu amenewo, kuti, "Uyu ndiye namwali amene ati adzaime." Mukuona? Chotero, potero, Iye anawonekera kwa iye mu loto, chifukwa iye anali munthu woona ndi wolungama ndi wabwino.

⁶⁶ Ndipo ine ndikukhulupira Mulungu adzabwera kwa munthu wabwino aliyense, mwanjira inayake, ndipo adzazindikiritsa zochita Zake kwa munthu wabwino ameneyo, wa m'badwovo, ngati munthu ameneyo ali woitanidwa ndi Mulungu kwa m'badwo umenewo.

⁶⁷ Tsopano, koma ichi chinali chosazolowereka kwambiri, iwo sakanatha basi kuti achimvetse icho. Koma, nthawizonse,

kuwonekera kogwirizana ndi Mawu olonjezedwa a m'badwo, kusazolowereka konse uku.

Tsopano pali anthu ena atha kumapita kuseri, ndi kumati, “Chabwino, *ichi* ndi chosazolowereka, ameneyo ndi Mulungu. *Ichii* ndi chosazolowereka.”

⁶⁸ Koma, inu mukuona, *ichi* chiyenera kuzindikiridwa ndi Mawu, ndipo Mawu ndi Mulungu. Mukuona? Ndiyeno chikhalidwe cha kuzindikiritsidwa uku chimazindikiritsa yemwe iye ali, chifukwa Mulungu anati, “*ichi* chikanadzachitika,” ndipo icho chimachitika. Mukuona? Chikhalidwe cha icho ndi Mawu a Mulungu akuzindikiritsidwa mwa chikhalidwe cha chimene chikuchitika.

⁶⁹ Iye anati mmasiku otsiriza Iye adzatsanulira Mzimu Woyeria. Iye anachita izo. Zikhaliidwe za icho zinazindikiritsa kuti anali Mulungu, Mawu Ake analonjeza. Mwaona, iwo nthawizonse amadzizindikiritsa okha.

⁷⁰ Tsopano, nthawizonse, nthawi iliyonse, amakonza mawu, pamene Mawu anenedwa molakwika. Kodi inu munayamba mwazindikirapo? Izo zinali m'masiku a Nowa, chimene chinakonza m'badwo wa sayansi uwo, kuti Mulungu anali woti atsitsa madzi kuchokera mmiyamba. Analis Mose, mwaona, amene anakonza pamene iwo onse anali atakhazikika uko ku Igupto, ndi zina zotero, koma Mawu a Mulungu anachita kubwera kuti adzazindikiritsidwe. Ndipo Choonadi cha Mawu chimakonza cholakwika.

⁷¹ Mundilore ine ndikufunseni inu chinachake. Ife tikhoza kupita mwakuya pang'ono apa. Ine sindikuyenera kuti ndilalikire uphunzitsi kapena chiphunzitso, koma mundirole ine ndingokufunsani inu chinthu chimodzi.

⁷² Yesu anali Mawu. Ife tikudziwa zimenezo. Baibulo limati izo zinali. Yohane Woyeria, mutu wa 1, “Pachiyambi panali Mawu, ndipo Mawu anali ndi Mulungu, ndipo Mawu ndi Mulungu. Ndipo Mawu anasandulika thupi ndipo anadzakhala pakati pathu.” Iyeakanalibe Mawu. Ndiye pamene Iye amatha kuzindikira maganizo awo, iwo ankayenera kudziwa kuti amenewo anali Mawu, chifukwa Mawu a Mulungu anati ndi chimene Iye ati adzachite. Iye anali Mneneri.

⁷³ Tsopano zindikirani, ife tikupeza kuti pamene Iye anabadwa, pafupifupi usinkhu wa zaka thwelofu, Iye anapita uko ku phwando la kachisi. Ndipo iwo anali atapita kumeneko ku Paska. Ndipo, ali pa njira yawo akubwerera, iwo anali atayenda ulendo wa masiku-atatu ndipo iwo anamuphonya Iye; kumazindikira, kumaganizira, kani, kumapenekaza kuti Iye anali uko pakati pa anthu awo.

⁷⁴ Ife tikhoza kupanga phunziro kuchokera pameneopo. Zimenezo ndi zochuluka kwambiri lero! Tsopano inu a Methodisti, Baptisti, Presbateria, Lutherani, Katolika,

chirichonse chimene inu muli, mwaona, inu mukuchita chinthu chomwe chomwecho. Inu mukuganizira chifukwa chakuti Wesley anali ndi chitsitsimutso chachikulu, Luther anali ndi chitsitsimutso chachikulu, kapena Pentekosite anali ndi chitsitsimutso chachikulu, inu mukuganizira kuti Iye ali pakati pa anthu, pamene, nthawi zina Iye siali pamenepo.

⁷⁵ Iwo anapita kuti akamufufuze Iye. Kodi ndi kuti kumene iwo anakamupeza Iye? Kumene iwo anamusiya Iye, ku Yerusalem. Ndipo pamene iwo anakamupeza Iye, kodi Iye anali kuchita chiyani? Mnyamata wamng'ono, usinkhu wa zaka thwelofu, mwinamwake anali asanalowepo pa sukulu iliyonse kuposera imene amayi Ake anamuphunzitsa Iye; ndipo apa Iye anali mu kachisi, akukambiranu ndi ansembe amenewo, za Mawu a Mulungu. Ndipo iwo anazizwa pa nzeru ya Mwana uyu. Bwanji? Iye anali Mawu. Tsopano penyani.

⁷⁶ Ndipo tsopano osati kusakulemekezani inu anthu a Katolika amene mumamutchi Mariya amake a Mulungu, koma mungondilola ine ndikuwonetseni cholakwitsa pang'ono apa. Ngati mpingo wamangidwa pa Mariya, yang'anirani chimene chinachitika. Tsopano iye anabwerapo ndipo anati, "O, abambo Ako ndi ine takufunafuna Iwe, ndi misozi." Penyani neno limenelo, ndiyeno amatsutsa umboni wake womwe. Iye anati, "Abambo Ako ndi ine timakufunafuna Iwe, ndi misozi."

⁷⁷ Penyani Mawu amenewo. Iye anali Mawu. Iye anati, "Kodi inu simukudziwa kuti Ine ndiyenera kukhala pa ntchito ya Atate Anga?" Mukuona Mawu akukonza cholakwika. Pomwepo pamaso pa ansembe amenewo, iye anawononga umboni wake. Anati iye anali ndi pakati mwa Mzimu Woyeru, ndipo apa iye anati Yosefe ndi "abambo" Ake. Mukuona Mawu amenewo akuchigwira icho mwachangu pomwepo? Iye anali Mawu. Tsopano, inu mukudziwa mnyamata wa usinkhu wa zaka thwelofuakanachita zimenezo. Iye anali Mawu. Iye anali Mawu olankhulidwa a m'badwo umenewo, chotero choncho chikhaliidwe chodzindikiritsidwa cha Mulungu chinali mwa Khristu. Iye anakonza zolakwika. Iye anati . . .

Iwo anati, "Bwanji, ife ndi ophunzira a Mose." Mukuona?

⁷⁸ Iye anati, "Ngati inu mukanakhala ophunzira a Mose, inu mukanandidziwa Ine. Iye analemba za Ine. Mose anati, 'Ambuye Mulungu Wanu adzaukitsa Mneneri wonga ine.' Inu mukanandidziwa Ine ngati inu mukanamudziwa Mose."

⁷⁹ Ndipo, mukuona, Mawu nthawizonse amakonza cholakwika cha tsikulo. Koma anthu samakonda kukhulupirira izo. Iwo amangokakamirabe, chimodzimodzi basi.

⁸⁰ Koma Yesu anawakonza amayi Ake omwe. Ndipo amayi Ake analakwitsa, chifukwa iye anali atanena kale kuti ameneyo anali Mwana woikidwa mwa iye ndi Mzimu Woyeru, ndipo apa iye akutembenuza umboni wake ndipo akunena kuti Yosefe anali

“abambo” ake, anali abambo a—a Yesu. Tsopano ngati—ngati Yosefe...

⁸¹ Ngati Iye anali mwana wa Yosefe, ngati Iye anali ali pa ntchito ya atate Ake, Iye akanakhala ali mu shopu ya mpala matabwa.

⁸² Koma Iye anali pa ntchito ya Atate Ake, uko mu Kachisi, akuwadzudzula mabungwe amenewo. Mukuona? Iye anali pa ntchito ya Atate Ake, Mwana chabe wa usinkhu wa zaka thwelofu. “Kodi inu simukudziwa kuti Ine ndiyenera kukhala pa ntchito ya Atate Anga?

⁸³ Kodi inu munazindikira pamene Yesu anayesedwa ndi Satana? Chikhaliwe Chake pameneopo, pamene Iye anali mu yesero Lake, chinamuzindikiritsa Iye kuti anali Mulungu, chifukwa Iye anakhala ndi Mawu. Mukuona? “Kwalembewa,” anatero Satana.

Yesu anati, “Kwalembewanso,” anakhala pomwepo ndi Mawu.

⁸⁴ “Mulungu, mu nthawi zamakedzana,” ife tikuwerenga apa. “Mulungu, mu nthawi zamakedzana,” zimenezo ndi nthawi zakale, “mmachitidwe osiyanasiyana,” mnjira zambiri, “amadzizindikiritsa Yekha kwa aneneri Ake mwa masomphenya.” Limenelo linali khalidwe la mneneri, linali pamene iye amalosera zinthu ndipo izo nkumachitika. Tsopano limenelo linali khalidwe lake la kudzindikiritsidwa kwake, kuti Mulungu anali ndi iye. Ndiye zimenezo zinamupatsa iye mafulu oti atanthauzire Mawu a tsiku limenelo, chifukwa, “Mawu a Mulungu amabwera kwa aneneri,” khalidwe la mneneri amene Iye anamulosera.

⁸⁵ Baibulo linati, “Ngati pakhala wina, ndipo zimene iye anena zifika pochitika, ndiye inu mumumvere iye; koma, ngati izo sizitero, musamukhulupirire iye, musamuwope iye, koma Anga...ngati—ngati Mawu Anga siali mwa iye. Koma ngati chifika pochitika, pameneopo Mawu Anga ali mwa iye.” Ndicho chomuzindikiritsa chake. Ndiro khalidwe la mneneri.

⁸⁶ Tsopano, Mulungu, mu nthawi zamakedzana, ndi mmene Iye ankawonetsera zikhaliwe Zake za kudzindikiritsidwa kwa Iyemwini kwa munthu, polankhula kudzera mwa munthu yemwe anaitanidwa kuti adzakhale mneneri. Tsopano, Baibulo limanena kuti, “Mulungu, mu nthawi zamakedzana, mmachitidwe osiyanasiyana, amalankhula kwa makolo kudzera mwa aneneri.”

⁸⁷ Ife timawerenganso, umo mu Petro Wachiwiri, kuti Mawu onse a Mulungu analembewa ndi iwo. “Amuna akale, osunthidwa ndi Mzimu Woyerwa, analemba Baibulo.” Iwo anali aneneri. Mawu amadza kwa iwo ndipo iwo amalemba Iwo, amawalemba iwo pansi, pansi pa kudzodza. Choyamba iwo amakhala aneneri ozindikiritsidwa, kenako iwo—iwo amalemba

Mawu odzodza, ndipo iwo amakhala ndi kutanthauzira kwa vumbulutso Laumulungu chifukwa amakhala Mulungu mwa munthuyo.

⁸⁸ Tsopano umo ndi mmene Iye ankadziwonetsera Yekha mu zikhaliidwe Zake za kuzindikiritsidwa, masomphenya awo akutsimikiziridwa, zimakhala khaliidwe la Mulungu mwa iwo, kudzipanga Yekha kudziwika kwa anthuwo.

⁸⁹ Tsopano, ndiyo njira yokhayo imene Iye amakhalira mwa Khristu. Mneneri anali chabe kachidutswa kakang'ono. Khristu anali chidzalo cha Mulungu. Ndipo Mulungu anali mwa Khristu, akulyianjanitsa dziko kwa Iyemwini. Ndipo zikhaliidwe Zake zimamuzindikiritsa Iye, chimene Iye anali, mochuluka mwakuti Iye anati, "Ngati Ine sindichita ntchito za Atate Anga, ndiye musakhulupire izo. Ngati Ine ndiribe khaliidwe la Atate Anga, ndiye musandikhulupire Ine, musakhulupire zodzinenera Zanga. Ngati Ine ndiribe khaliidwe la Atate Anga mwa Ine, ndiye musakhulupire izo, nkome."

⁹⁰ Tsopano, zikhaliidwe Zake sizimasintha. Mulungu sangathe kusintha khaliidwe Lake, monganso kuti—monganso—mwanawankhosa akhoza kusintha khaliidwe lake, kapena chinthu china chirichonse chikhoza kusintha makhalidwe ake. Chifukwa, bola ngati chiri mmene icho chinali pachiyambi, chiyambi chake. Ndipo ngati inu musintha chirichonse, ndiye kuti inu mwachisinha icho kuchichotsa ku chiyambi chake.

⁹¹ Izo ziri chimodzimodzi ngati kuitenga nkhu—nkumba, ndipo nkuisambitsa nkumba ndi—ndi kuipaka pentiyo mzikhadabo zake zakuphazi, monga amachitira akazi, ndi kuikonza iyo ndi zopaka mmilomo, ndi kuiveka iyo diresi labwino. Mungoimasula nkumba yaikazi iyo kumeneko, iyo ipita molunjika ku matope, ndi kukadzidetsano kachiwiri. Chifukwa chiyani? Iyo ndi nkumba, ndizo zonse. Koma, ndipo, koma, inu mukuduwa, inu simungathe kupanga . . .

⁹² Mwanawankhosa sangathe kuchita zimenezo. Iye sangapite nkome we kukalowa mmatope amenewo. Iye samafuna chochita chirichonse ndi izo. Ndi zikhaliidwe za iyo. Mukuona? Inu mukhoza kumuveka iye mu zovala za mtundu womwewo, koma ndithudi iye sangatero, iye ndithudi sangapite. Chakunjaku chiribe ntchito; ndi chankaticho. Tsopano, Mulungu pokhala gwero la moyo wonse . . .

⁹³ Musalephere kumvetsa izi. Ine ndikuyesetsa, ndi zonse zimene ziri mwa ine, kuti ndikupangitseni inu kuti muwone chinachake. Mukuona? Izo ndi za kwa ubwino wanu, abwenzi. Ndi za kwa mba—mbali yanu. Mukuona?

⁹⁴ Ine sindinabwere kuno kuti ndidzangowonedwa. Ine sindinabwere kuno, posowa malo ena oti nkupitako. Ine ndabwere kuno chifukwa ine ndinamverera kuti ndibwere kuno. Ine ndinamverera kuti utumiki umene Ambuye anandipatsa

ine uyenera uwonetsedwe pakati pa anthu kuno, ndipo ine ndikuyesetsa kuti ndikupangitseni inu kuti muwone chimene Mulungu kwenikweni ali tsopano. Iyeyo ndi Mawu Ake olonjezedwa. Iye nthawizonse ndi Mawu, ndipo Iye amadzizindikiritsa Yekha ndi chikhaliidwe chimene Iye analonjeza. Khalidwe linalake lidzadzuka mu nthawi inayake, limene liri mu Mawu, ndiye chikhaliidwe cha munthu uyu yemwe akuyenera kudzukapo chimazindikiritsa kuti munthu wake ndi ameneyo.

⁹⁵ Ndi chifukwa chake Yesu ankayenera kukhala Yemwe Iye anali. Iwo bwenzi atachiwona icho. Nzosadabwitsa iwo anali akhungu. Chinthu...Anati, ngakhale Iye anali atachita zozizwitsa zochuluka kwambiri, komabe iwo samatha kukhulupirira, chifukwa Yesaya anati, "Iwo ali nawo maso ndipo sakutha kuwona, ndi makutu ndipo sakutha kumva." Mukuona? M'badwo uliwonse, osati m'badwo Wake wokha; koma m'badwo uliwonse, motani, "Mulungu, mu nthawi za amakedzana, mmachitidwe osiyanasiyana," komabe iwo amalephera basi kuti azimvetse izo.

⁹⁶ Tsopano, zikhaliidwe Zake sizilephera konse. Izo nthawizonse zimakhala chimodzimodzi. Tsopano, kumbukirani, chikhaliidwe Chake, chikhaliidwe cha Mulungu, sicingathe kulephera. Ngati icho chitero, ndiye kuti Mulungu walephera. Ndipo Baibulo linati, mu Ahebri 13:8, kuti, "Yesu Khristu ali yemweyo dzulo, lero, ndi kwanthawizonse." Chotero, Iyeyo ndi Mulungu wosasinthia. Khalidwe lirilonse limene Iye anali pachiyambi, Iye akadali khalidwe lomwe lija panobe. Njira iliyonse imene Iye amagwirira ntchito, nthawi iliyonse imene Iye achita chirichonse, Iye amachita izo mwanjira yomweyo nthawi zonse. Ngati Iye satero, ndi khalidwe Lake limene lasintha, mwaona, ndipo zikhaliidwe Zake zingawonetsera chinachake chimene sichinali cha Mulungu. Mukuona? Kotero ife sitingadziwe kumene...

⁹⁷ Monga Paulo anati, "Ngati lipenga lipereka liwu losadziwika, ndani angadziwe kuti akonzekere nkhondo, ngati lipenga lipereka liwu losadziwika?" Tsopano ngati lipenga likuyenera kuwomba "bwererani," ndi chimene ife tiyenera kuchita, kubwerera. Ngati lipenga liwomba "menyani," ndi chimene ife tikuyenera kuchita, ndi kumenya. Koma kodi Lipenga ndi chiyani? Ndi Mawu a Mulungu. Ilo limamuzindikiritsa Mulungu, kaya ndi—kaya ndi "pita m'mwamba, khala pansi, bwerera, pinda mikono," chirichonse chimene chiri. Ndi kuwomba kwa Lipenga la Mulungu.

⁹⁸ Ndipo liwu losadziwika, pamene Baibulo likuti chinthu chinachake chiyenera kuchitika; winawake nkuti, "O, zimenezo zinali zochokera ku tsiku lina, chimenecho." Ndiye kuti pali liwu losadziwika pamenepo. Ndiye inu simudziwa choti muchite.

⁹⁹ Yesu anati, “Ine ndiri nayo mphamvu yoika moyo Wangapansi ndi kuudzutsanso iwo kachiwiri.” Palibe liwu losadziwika pamenepo.

¹⁰⁰ Mkazi anati, “Ife tikudziwa Mesiya akudza; ndipo pamene Iye adzadza, Iye adzatiuza ife zinthu monga Iye ankachitira.”

¹⁰¹ Iye anati, “Ine ndine Iye.” Panalibe liwu losadziwika pamenepo. “Ine ndine Iye.” Uh-huh! Ameni.

Iwo anati, “Makolo athu ankadaya manna mu chipululu.”

¹⁰² Iye anati, “Iwowo, aliyense wa iwo, anafa.” Iye anati, “Koma Ine ndine Mkate wa Moyo umene unabwera kuchokera kwa Mulungu kuchokera Kumwamba.” Panalibe liwu losadziwika. “Ine ndine Mtengo wa Moyo, wochokera m’munda wa Edeni.” Panalibe, panalibe liwu losadziwika za izo. Ndithudi ayi. Panalibe chosadziwika cha izo. Iye anali wotsimikizika mu chirichonse chimene Iye ankachita.

¹⁰³ Baibulo silimaperekwa liwu losadziwika. Ilo limazindikiritsa chikhaliidwe cha Mulungu mu kuwomba kwake.

¹⁰⁴ Yesu anati, mu Yohane Woyer 10:37, “Ngati Ine sindichita ntchito za Atate Anga, chiyani . . . ndipo Ine ndiribe khalidwe ilo la Atate Anga, ndiye musandikhulupire Ine. Izo ndi zimenezo, Izo zikuzindikiritsa khalidwe Lake mwa Ine, zikhaliidwe Zake.”

¹⁰⁵ Chifukwa, Atate ndi Mawu, “Pachiyambi panali Mawu, ndipo Mawu anali ndi Mulungu, ndipo Mawu anali Mulungu,” ndipo chikhaliidwe cha Mulungu chimawonetseredwa mwa lonjezo Lake la m’badwo umenewo.

¹⁰⁶ Tsopano ngati Iye akanakhala moyo mu nthawi ya Mose, izo sibwenzi zitagwira ntchito. Ndipo ngati Mose akanakhala moyo mu nthawi Yake, izo sizikanatheka. Ngati Iye akanakhala moyo mu nthawi ya Nowa, izo sizikanatheka, kapena ngati Nowa akanakhala moyo mu nthawi Yake. Nowa anali kulosera za zinthu za mtsiku limenelo, ndipo chikhaliidwe chake ndi chimene iye anachita chinamuzindikiritsa iye ndi Mawu a Mulungu. Mose anachita chinthu chomwecho.

¹⁰⁷ Ndipo apa Yesu akubwera, ndipo Mawu amene analonjezedwa a m’badwo umenewo anazindikiritsidwa mwa Yesu Khristu mwa chikhaliidwe cha Mawu, amene ali Mulungu. Ameni.

¹⁰⁸ Kutsanulira kwa Mzimu Woyer, mmasiku otsiriza, pa anthu wamba, kwazindikiritsa chikhaliidwe cha Mulungu ndi anthu. Iye analonjeza izo. Ndi Mawu. Iye anati Iye akanadzachita izo. Palibe aliyense amene angachibweze icho. Iye anati Iye akanadzachita izo.

¹⁰⁹ Chotero zinthu zonse izi zimene Iye walonjeza, ndizo zimene Iye akuchita. Izo zikuzindikiritsa chikhaliidwe Chake. Inde, bwana. “Musakhulupire izo, musakhulupire zodzinenera Zanga, ngati chikhaliidwe Changa sichiri cha Mulungu chija.”

¹¹⁰ Tsopano zindikirani mu Yohane 14:12, “Iye amene akhulupirira pa Ine,” Iye anati, “ali ndi chizindikiritsa Chang'a, chikhaliidwe Chang'a. Iye amene akhulupirira pa Ine, ntchito zimene Ine ndikuchita iyenso adzazichita.” Izo zikuzindikiritsa kuti khalidwe la Khristu liri mwa iye, likuwonetsera zikhaliidwe za Iye. Ameni.

¹¹¹ Ine ndikumverera mwachipembedzo ndithudi pakali pano, ngati ndasasa mawu. Inde, bwana. O, mai! Mwaona, palibe kulakwitsa za Izo! Moyo Wake! “Iye amene akhulupirira pa Ine, ntchito zimene Ine ndikuzichita iye adzazichita nayenso.” Mwaona, zimenezo zikuzindikiritsa khalidwelo.

¹¹² Chinthu chomwecho Iye anati: “Ngati khalidwe Langa silikundizindikiritsa Inemwini,” Mulungu mwa—mwa Iye, ndiye musamukhulupirire Iye. Tsopano, Iye... Iye nayenso ananena kuti Iye adzazindikiritsidwa mu zimenezo. Ndiye, icho, ngati icho sichikumuzindikiritsa Iye, ndiye Iye siali chimene Iye amanena.

¹¹³ Ndipo, lero, ngati Khristu sakudzizindikiritsa Iyemwini, chikhaliidwe cha Khristu kutizindikiritsa ife ngati a Khristu, kukhulupirira Mawu... Yesu anali Mawu, chotero Iye ankayenera kuti aziwakhulupirira Mawu. Ndipo ife tanganene bwanji kuti ife ndife a Khristu, ndipo nkumakana Mawu aliwonse a Baibulo limenelo? Mzimu Woyerwa wa Khristu ndi Mulungu mwa inu, ndipo Iwo adzavomereza lonjezo lirilonse ndi “Ameni.” Baibulo linati, “Zizindikiro izi zidzawatsatira iwo amene akhulupirira.” Mzimu wa Mulungu unati, “Ameni.” Mukuona?

¹¹⁴ Mmodzi wa iwo sanati, “Ayi, zimenezo zinali za m'badwo wina; zimenezo zinali za ophunzira okha.”

¹¹⁵ “Pitani inu mu dziko lonse ndipo mukalalikire Uthenga kwa cholengedwa chirichonse. Iye, kulikonse mu dziko lonse, amene akhulupirira, zizindikiro izi zidzamutsatira iye, chinthu chomwecho.” “Yemweyo dzulo, lero, ndi kwanthawizonse,” khalidwe likuzindikiritsidwa.

¹¹⁶ Zimenezo zikupanga Ahebri 1:1, “Mulungu wa mnthawi zamakedzana, akuyankhula ndi makolo mwa aneneri,” kumuzindikiritsa Khristu, wowukitsidwa lero, mwa khalidwe lomweloo limene Iye ankachita mu nthawi zamakedzana. Kodi inu munazindikira? Mulungu samasintha konse njira Yake.

¹¹⁷ Mu Baibulo lakale, pamene wolota alota loto, ndipo kunalibe mneneri mu dziko wowona ngati loto ili linali lolondola kapena ayi, iwo anali ndi njira ina yodziwira. Iwo amatenga khalidwe limenelo, yense yemwe walota lotolo, ankamatengera iye ku kachisi. Chapachifuwa cha Aaroni, amene anali wansembe wamkulu, chimapachikidwa pa mzati. Ndipo wolota uyu amanena loto ili. Zinalibe kanthu mwabwino motani ilo likumvekera, likumveka lenileni chotani; ngati sipathwanima

Kuwala kwauzimu pa miyala imeneyo, imene imatchedwa Urimu Thumimu, (owerenga Baibulo akumvetsetsa); ndiyе, ine sindikusamala ndi mwenimwени motani ilo linamvekera, ilo silinali choncho. Kusazolowereka kwa Mulungu, khalidwe la Mulungu, limayenera kuwonetsera zikhaliidwe Zake mu zauzimu, kuti awonetsere kuti Iye wadzizindikiritsa Yekha pa uthengawo. Ameni.

¹¹⁸ Ine ndikunena chinthu chomwecho usikuuno. Urimu Thumimu yakale inapita, koma Mawu akadalibe chinthu chimene chikuzindikiritsa chikhaliidwe cha Mulungu, lonjezo la ora limene ife tiri nkukhalamo. Ndi zimenezo zikhaliidwe za Mulungu zozindikiritsidwa ndi lonjezo la ora limene ife tiri nkukhalamo.

¹¹⁹ Chimenecho chimamupanga Mulungu kukhala chimodzimodzi monga Iye anali. "Mu nthawi zamakedzana," tayang'anani, "mmachitidwe osiyanasiyana, Iye amayankhula kwa makolo kudzera mwa aneneri." "Ndipo chilamulo ndi aneneri zinalipo kufikira pa Yohane; kuchokera pamenepo, Ufumu wa Kumwamba." Zindikirani, "Koma mu tsiku lotsiriza lino," akulankhula chinthu chomwe chomwecho chimene Iye anachita kumeneko, "kudzera mwa Mwana Wake Khristu Yesu." "Mulungu, mu nthawi zamakedzana, mmachitidwe osiyanasiyana, amalankhula kwa makolo kudzera mwa aneneri; mu tsiku lotsiriza lino," akuchita chinthu chomwe chomwecho, "akuyankhula kwa anthu (makolo) kudzera mwa Mwana Wake Khristu Yesu." Wamuukitsa Iye kuchokera kwa akufa, ndipo Iye akukhala moyo mdati mwathu, akudzizindikiritsa Iyemwini ndi kumatiuziratu ife zinthu, kuti Iye ndi wozindikira wa maganizo ndi zokhumba za mtima. Yesu Khristu yemweyo dzulo, lero, ndi kwanthawizonse! "Mulungu, mu nthawi zamakedzana ndi mmachitidwe osiyanasiyana amalankhula kwa makolo kudzera mwa aneneri, koma mmasiku otsiriza ano kudzera mwa Yesu Khristu Mwana Wake." Lemba silingathe kusokonezedwa. Ndizo ndendende.

¹²⁰ Monga ine ndinanena kale, Mulungu samasowa aliyense kuti atanthurazire Mawu awa. Iye amadzitanthauzira Mawu Ake Yekha. Pamene Iye anena chirichonse, icho nkuchitika, kumeneko ndiko kutanthauzira. Mukuona? Iye samasowa aliyense kuti anene, "Chabwino, ine ndikukhulupirira akutanthauza *ichi*." Mulungu amadzindikiritsa icho mwa kutanthauzira Kwake Komwe.

¹²¹ Ndi, ngati lonjezo liri la tsiku limenelo, ife sitingathe kukhala mu kuwala kwa—kwa—kwa Luther, ife sitingathe kukhala mu kuwala kwa Wesley, ife sitingathe kukhala mu kuwala kwa aliyense wa iwo. Ife tiyenera kukhala mu Kuwala kumene kunalonjezedwa kwa tsiku lino.

¹²² Bwanji ngati Mose akanapita uko ku Igupto, ndi kukati, “Chabwino, ife timanga chombo chachikulu. Ife tichiyandamitsa potuluka mdziko lino. Nile asefukira”? Iwo akanakayang’ana mmbuyo mu mpukutu; mulibemo lonjezo la zimenezo. Uko nkulondola. Koma, inu mukuona, iye anadzizindikiritsa yekha ngati mneneri wa Mulungu, pakuti zimene iye amanena zinadzachitika, ndiye iwo anadziwa kuti iye anali ndi Mawu a Ambuye. Farao anali ndi mikondo, koma Mose anali ndi Mawu. Kotero pamene iwo anakafika ku nyanja, mikondo yonse inapita pansi pa nyanja; ndipo Mose anatenga Israeli namuwolotsa pa nyanja, pa nthaka youma, chifukwa iye anali ndi Mawu, ndipo iye anali Mawu a ora limenelo. Mose anali Mawu owonetseredwa a ora limenelo.

Eliya anali Mawu owonetseredwa a ora limenelo.

¹²³ Khristu ndi Mawu owonetseredwa, ndi malonjezo amene Iye anapanga. “Kanthawi pang’ono ndipo dziko silidzandiwonanso Ine; komabe inu mudzandiwona Ine, pakuti Ine ndidzakhala ndi inu, ngakhale mwa inu, mpaka kumalekezero a dziko lapansi. Ntchito zimene Ine ndikuchita inunso mudzazichita.” Iye analonjeza zinthu izi. Ndi chiyani chimenecho? Ndi chikhaliidwe cha Mulungu chikuwonetsera Mawu Ake, monga Iye amachitira mmibadwo yonse.

¹²⁴ Malaki 4, Iye anati, “Lisanadze tsiku lalikulu ndi lowopsy la Ambuye, taonani, Ine ndidzakutumizirani inu Eliya mneneri; ndipo iye adzabwezeretsa chikhulupiro cha ana kwa atate kachiwiri, tsiku limenelo lisanadze.” Iye analonjeza izo.

¹²⁵ Yesu anati, mu mutu wa 17 wa Luka Woyeria, “Monga izo zinali mmasiku a Sodomu, chomwecho izo zidzakhala mu kudza kwa Mwana wa munthu, pamene Mwana wa munthu akuululidwa.” Pamene vumbulutso likudzifutukula lokha, mu masiku amene dziko lidzakhale ngati Sodomu, lidzakhala chiyani ilo? Chikhaliidwe cha Lemba limenelo likukwaniritsidwa. Mulungu kudzizindikiritsa Yekha mwa chikhaliidwe Chake, zikhaliidwe zimene Iye nthawizonse wakhala ali. Iye sangathe kuzisiya izo.

¹²⁶ Masiku otsiriza, Iye anadzizindikiritsa kudzera mwa Mwana Wake. Zindikirani mmene Mulungu amachitira izi nthawizonse pa... monga Iye nth-... Iye samasinta konse njira Yake.

¹²⁷ Amuna atatu awa amene anayankhula ndi Abrahamu, monga ife tinali kulankhula posachedwapa uko, za masiku a Sodomu.

¹²⁸ Abrahamu anali munthu amene anakhulupirira Mulungu. Iye anamutenga Mulungu pa lonjezo Lake. Sarah, mkazi wake, anali usinkhu wa zaka sikisite faivi, Abrahamu anali sevente faivi, pamene Mulungu anamuitana iye. Iye anati iwo adzakhala ndi mwa—mwana; Abrahamu adzakhala ndi mwana mwa Sarah. Izо zikhoza kumveka zopusa pang’ono, koma ine ndikulingira

iye anatolera zonse—timabuti tating'ono ndi maphinifolo, ndi chirichonse, anakonzekeratu, chifukwa iwo akanati adzakhale ndi mwana uyu.

¹²⁹ Atadutsa masiku twente eyiti oyambirira, bwanji, Abrahamu mwinamwake ananena kwa Sarah, "Iwe ukumverera bwanji, wokondedwa?"

"Palibe kusiyanitsa."

"Ulemelero kwa Mulungu, ife tikhala naye iye, mulimonse."

"Iwe ukudziwa bwanji?"

"Mulungu wanena chomwecho."

Chaka chinadutsa. "Iwe ukumverera bwanji, wokondedwa?"

"Palibe kusiyanitsa."

"Ife tikhala naye iye, mulimonse. Mulungu wanena chomwecho."

Zaka faivi zinadutsa. "Kodi iwe ukumverera bwanji tsopano, wokondedwa?"

"Palibe kusiyanitsa."

"Ife tikhala naye iye, mulimonse. Mulungu wanena chomwecho."

¹³⁰ Chinali chiyani icho? Iye anali ndi lonjezo la Mulungu. Iye anakhulupirira Mulungu, ndipo iye ankachita ngati Mulungu: iye anagwiritsitsa ku Mawu olonjzedwa. Iwo . . .

¹³¹ Zaka twente faivi zinadutsa. Mabuti anali atasanduka achikasu, koma iye anagwiritsitsabe kwa iwo. Tsopano iye wakalamba, ndipo akuchita kuwerama, ndipo iye sakuwoneka bwino; ndipo chiberekero cha Sarah chiri chimodzimodzi ngati chakufa, ndipo iye ndi wosabala. Ndipo ndi mchikhalidwe chotani chimene iwo analimo!

¹³² "Ukumverera bwanji iwe, Abrahamu, tate wa mafuko?" azimzake odzipanga-kukhulupirira amatha kunena kwa iye.

¹³³ "Chabwino, ulemelero kwa Mulungu, ine ndikumverera bwino. Ife tidzakhala naye mwana ameneyo, mulimonse." Chifukwa iye sanadzandime pa lonjezo la Mulungu kudzera nkusakhulupirira; koma anali wamphamvu, akupereka matamando kwa Mulungu, pakuti iye anali wotsimikiza kwathunthu kuti zimene Mulungu ananena, Mulungu ndi wokhoza kuzichita. Ameni. Ndi limenelotu khaldwe la wokhulupirira.

¹³⁴ Nanga bwanji inu? Mukuona? Nanga bwanji ife, ana a Abrahamu? Kodi ife tikuzindikiritsidwa ndi Mawu a Mulungu, monga lonjezo, ndipo khaldwe lathu limatizindikiritsa ifeeni, kuti ife tikukhulupirira kwenikweni Iwo? Kapena, kodi inu mumangowawayawa, mumalumpha kuchokera *apa*, ndi *apa*,

ndi kumusi *apa*, ndi kupeka, ndi kuwayawaya pamenepo, za Iwo? Zikamatero, ife sitiri Akhristu, ife tikungodzipangitsa kukhulupirira.

¹³⁵ Koma, pamene ife tiima kwenikweni ku lonjezo limenelo, kulikoka Ilo pomwepo ndi kukhala ndi Ilo! Abrahamu anatero.

¹³⁶ Tsopano ife tikupeza kuti, tsiku lina iye anawona amuna atatu akubwera, akuyenda. Baibulo linanena apa, “Zinali mu kutentha kwa tsiku,” akuyenera kuti anali masana. Amuna awa anali akuyenda ndipo amayankhulana ndi iye. Ife tikumvetsedwa kuti awiri a iwo anatsikira ku Sodomu. Ine ndikukhulupirira ife tinayankhula pa izo usiku wina. M’modzi mwa iwo anatsala ndi iye.

¹³⁷ Tamuwonani Munthu uyu yemwe iye anamutcha... yemwe anatsala ndi iye, chimene Munthuyo anachita. M’modzi amene anazindikiritsidwa ndi chikhaliidwe Chake, kuti Iye anali Elohim.

¹³⁸ Elohim, mawu oyambirira kumene mu Baibulo, “Pachiyambi Mulungu...” Tsopano, aliyense wa inu ophunzira mukudziwa kuti mawu amenewo *Mulungu* pamenepo amatanthauza, mu Chihebri, ndi “Elohim,” amene amatanthauza, “Wamphamvuzonseyo, wokwanira-muzonse, wokhalapo-yekha,” samasowa thandizo lirilonse kuchokera kwa aliyense, samasowa kutanthauzira kwa aliyense; amachita Zake Zomwe. Iye ndi Mulungu wokwanira-muzonse, wozezekaponseponse, wodziwazonse, wamphamvuzonse. Iye ndi Mulungu.

¹³⁹ Apo Iye anali. Ndipo Abrahamu tsopano, mbadwa iyi amene anagwiritsitsa Mawu, anayang’ana pa Munthu uyu. Ndipo pamene Munthu uyu anali atatembenuzira nsana Wake ku hema, Iye anati, “Alikuti mkazi wako, Sarah?”

Anati, “Iye ali mu hema, kumbuyo Kwanu.”

¹⁴⁰ Anati, “Ine ndidzakuyenderani inu monga mwa nthawi ya moyo, ndipo inu mudzakhala ndi mwana uyu yemwe Ine ndinakulonjezani inu.”

¹⁴¹ Ndipo Sarah anaseka zimenezo. Ndipo Uyo amene amalankhula ndi iye, anamuropa iye chimene Sarah ananena mu hema, kumbuyo Kwake.

¹⁴² Tsopano, mu Genesis, inu mukawerenga zimenezo. Ife tikupeza ndiye kuti, Abrahamu, Munthu uyu atatha kudzizindikiritsa Yekha....

¹⁴³ Chinali chiyani icho? Ahebri, mutu wa 4, ndime ya 12, anati, “Mawu a Mulungu ndi akuthwa, amphamu kwambiri kuposa lupanga lakuthwa konsekone, wozindikira za mmaganizo ndi zokhumba za mu mtima.”

¹⁴⁴ Iye anadziwa kuti Munthuyo ndi ameneyu. Iye amadziwa kuti kunalibe aneneri mdzikolo koma iye, ndipo chotero Mawu a

Ambuye ankayenera kubwera kwa iye. Ndipo iye anali mneneri, ndipo apa Mawu anabwera kwa mneneri.

¹⁴⁵ Chinthu chomwe chomwecho ndi Yohane M'batizi. Panali pasanakhalepo mneneri kwa zaka foro handiredi. Ine ndikukumbukira . . .

¹⁴⁶ Mwinamwake Dokotala Davis wachikulire wakhala pano, usikuuno, mlaliki wa Baptist Missionary wakale amene anandibatiza ine mu Chikhulupiriro. Iye ankakonda kutsutsana ndi ine. Iye anati, "Billy, iwe ndiwe mwana chabe tsopano. Iwe ukuyenera kundimvera ine."

Ine ndinati, "Chabwino, M'bale Davis, ine ndikumvetsera."

¹⁴⁷ Iye anati, "Inu mukuona, Yohane sanabatizidwe. Kotero iye anakhala akubatiza, koma anali asanabatizidwe; panalibe woyenera woti amubatize iye." Chimenecho ndi chiphunzitso chabwino cha chi Baptisti. "Ndipo apa pakubwera Yesu, ndipo ananena pamenepo . . . Yohane anati, 'Ine ndikusowekera kuti ndibatizidwe ndi Inu; chifukwa chiyani Inu mukubwera kwa ine?' Ndipo Iye anati, 'Balola kuti zikhale chomwecho.'" Iye anati, "Ndiyeno pamene iye 'anamulolera' Iye," anati, "inu mukuona, kenako Yesu anamubatiza Yohane. Ndipo pamene Iye anatuluka m'madzi, kenako miyamba inatseguka ndipo Iye anamuwona Mulungu mmaonekedwe a nkhunda, ikutsika ndipo ikupita kwa Iye, anati, 'Uyu ndi Mwana Wanga wokondedwa, Amene Ine ndikukondwera kukhalamo.'" Koma, ayi, osati kusagwirizana ndi Dokotala Davis, koma iye amalakwitsa.

¹⁴⁸ Mwaona, Yohane anali mneneri, ndipo Mawu nthawizonse amadza kwa mneneri. Kotero ngati Mawu anasandulika thupi, Iwo amayenera kubwera kwa mneneri, mulimonse; chifukwa, iye anali kuchitira umboni za Mawu, ndipo khalidwe lake lomwe linamuzindikiritsa iye chimenecho. Apa pakubwera Mawu, tsopano chinachitika ndi chiyani? Pomwepo pamene iye anayenda pamaso pa Yesu, Yohane anati, "Ine ndikusowekera kuti ndibatizidwe ndi Inu; chifukwa chiyani Inu mukubwera kwa ine?"

¹⁴⁹ Yesu anati, "Balola kuti izo zikhale chomwecho, pakuti chotero kuyenera kwa ife (chikutikakamiza ife) kuti tikwaniritse chilungamo chonse." Yohane pokhala mneneri; Iye pokhala Mawu. Iye anali Nsembe, ndipo Iye amakonzekera kuti alowe mu utumiki Wake wa padzikolaapansi, ndipo Nsembe inkayenera kuti itsukidwe iyo isanaperekedwe. Ndipo Yohane anamubatiza Iye, chifukwa iye ankadziwa. "Balola kuti izo zikhale chomwecho, pakuti nkoyenera kwa ife kuti tikwaniritse chirungamo chonse." Nsembe inkayenera kuti itsukidwe isanaperekedwe, ndipo kotero Yohane anamubatiza Iye. Sanali Yesu kumubatiza Yohane. Yohane anamubatiza Yesu. "Balola kuti izo zikhale chomwecho."

¹⁵⁰ Zindikirani, apa panali Abraham, ndipo iye anali ndi Mawu a Ambuye. Mawu a Ambuye anadza kwa iye. Iye anali mneneri. Ndipo tsopano apa pakubwera Mawu. Iye anamutchula iye, “Abraham,” osati *Abram*.

¹⁵¹ Masiku pang’ono zisanachitike zimenezo, dzina lake linali Abram—linali Abram, tsopano ndi Abraham. Mkazi wake anali Sari, tsopano ndi “Sarah,” osati S-a-r-r-a; S-a-r-a-h. Osati (A-b-r-a-h-a-m) A-b-r-a-m, koma A-b-r-a-h-a-m, Abraham.

¹⁵² Ndipo Munthu uyu anadzizindikiritsa Yekha, pamene Iye anati, “Abraham!” Oh, mai!

Abraham anati, “Elohim!”

¹⁵³ Pameneopo pali Mawu ndi mneneri, limodzi, makhalidwe awiri onse akuzindikiritsidwa.

¹⁵⁴ Elohim, Iye anati, “Alikuti mkazi wako, Sarah?”

¹⁵⁵ Anati, “Iye ali mu hema, kumbuyo Kwanu.” Ndipo a... Kenako chozizwitsa chinachitika. Elohim! Abraham anamutcha Iye, “Mulungu wokwanira-muzonse, Wamphamvuzonse, Wamphamvu.”

¹⁵⁶ Yesu anati, pamene Iye anali pa dziko lapansi, Iye anachita chinthu chomwecho chimene Elohim anachita. Chimenecho chinazindikiritsa khalidwe Lake kuti anali Mulungu.

¹⁵⁷ Ndipo Iye anati, kale, “Mmasiku otsiriza, basi pa kudza kwa Mwana wa munthu, pamene Iye akuululidwa, chochitika ichi chidzachitikanso kachiwiri, monga zinaliri ku Sodomu.” Elohim pakati pa anthu Ake, Mulungu Wamphamvuzonse! Ndi zimene Lemba limanena. Elohim pakati pa anthu!

¹⁵⁸ Kwa zaka forte Iye wakhala akutibatiza ife ndi Mzimu Woyer, Elohim, Mulungu! Ndipo mpingo...

¹⁵⁹ Taonani, Abraham anawona chizindikiro chimodzi, kuitana kwina; chizindikiro, kuitana; kuitana, chizindikiro; kudikirira mwana wolonjezedwa uja. Koma chizindikiro chotsiriza chimene iye anachiwona, kuwonekera kotsiriza, kudzacheza kotsiriza kwa Mulungu mwana wolonjezedwayo asanafike powonekera, chinali Elohim mu thupi la munthu. Zitatero mwana wolonjezedwayo anabwera.

¹⁶⁰ Ndipo Mbewu ya Abraham ikudikirira Mwana wolonjezedwayo, Yesu Khristu. Ndipo iwo awona zizindikiro, kutsanulira kwa Mzimu Woyer, kulankhula mmalirime, machiritso Auzimu, ndi zina zotero. Koma pamene Mwana wa munthu akuwululidwa, Elohim adzabwereranso kudzakhala Mbewu yachifumu ya Abraham ndi kudzasonyeza kuti chinthu chomwecho chimene Iye anawonetsa mu tsiku limenelo, ameni, Elohim, monga izo zinaliri! Bwanji? Izo zidzakhala chikhaliidwe cha Mulungu.

¹⁶¹ Tsopano, ngati Khristu anali Mulungu, “Komabe kanthawi pang’ono ndipo dziko silindiwonanso Ine; komabe inu mudzandiwona Ine, pakuti Ine ndidzakhala ndi inu, ngakhale mwa inu, mpaka ku chimaliziro, mapeto. Ntchito zimene Ine ndikuchita inunso muzidzazichita.”

¹⁶² Yesu ananena zimenezo mu—mu Luka, mutu wa 17. Chabwino, pamene ife tikhulupirira ndi kuwona masiku otsiriza awa, chochitika ichi ndi chakuti chidzachitikanso kachiwiri.

¹⁶³ Chotero, Ahebri 1:1, “Mulungu, mu nthawi zamakedzana mwa aneneri amadzizindikiritsa Yekha, mu masiku otsiriza ano wadzindikiritsa chiukitsiro cha Mwana Wake kuchokera kwa akufa,” powupatsa Mpingo khalidwe lomwelo limene Iye anali nalo, kumupanga Ahebri 13:8 kulondola ndendende.

¹⁶⁴ Palibe nthenga zimene zingathotholedwe kuchokera pameneopo. Ndizo nthenga za mphungu. Izo zimagwira zolimba, chifukwa iyo ndi mbalame ya mlengalenga. [Malo opanda kanthu pa tepi—Mkonzi.] . . . amazidyetsa izo chakudya cha mphungu.

¹⁶⁵ Tsopano ife tikuzindikira kuti, “Mu nthawi zamakedzana, mmachitidwe osianasiyana, Iye amalankhula kwa makolo kudzera mwa aneneri, mmasiku otsiriza kudzera mwa Mwana Wake Yesu Khristu, pomuwukitsa Iye kuchokera kwa akufa.” Ndipo apa Iye ali pakati pathu, zitatha zaka zikwi ziwiri, Yesu yemweyo, osati m’modzi wa aneneri; Yesu, aleluya, Mwana wa Mulungu wowukitsidwa!

¹⁶⁶ Yesu anati, tsiku lina, Iye anati, “M’badwo woyipa ndi wachigololo umafunafuna chizindikiro, ndipo iwo udzachipeza chizindikiro.” M’badwo woyipa ndi wachigololo. Ndi litu pamene dziko linakhala konse loyipa, kapena lachigololo ndi lopotozedwa, kuposa m’mene ilo liri tsopano?

¹⁶⁷ “Monga zinaliri mmasiku a Yona, monga Yona anali mmimba ya chinsomba kwa usana utatu ndi usiku utatu, chotero ayenera Mwana wa munthu kukhala mu mtima wa dziko usana utatu ndi usiku.”

¹⁶⁸ Ndiye, “m’badwo woyipa ndi wachigololo” unali woti ulandira chizindikiro. Chizindikiro cha mtundu wanji? Chizindikiro cha chiukitsiro. Ndipo ife tiri nacho icho lero, zitatha zaka zikwi ziwiri, Iyeakanalibe wamoyo. Iye ali pakati pathu, usikuumo, yemweyo dzulo, lero, ndi kwanthawizonse, akudzizindikiritsa Yekha mwa zikhaliidwe za Mulungu, akuwonetsera Mawu mu tsiku ili limene Iye analonjeza kuti adzatero. Ameni.

¹⁶⁹ Mawu ndi amenewo. Tsopano kodi inu mukhulupirira chizindikiro, ndicho chinthu chotsatirapo, masiku otsiriza, kuzindikiritsa Kwake mwa Mwana Wake? Zindikirani.

¹⁷⁰ Mulungu analankhula ndi Mose mu nthawi zamakedzana. Mu Deuteronomie 18:15, anati, “Yehova Mulungu wanu adzakuukitsirani Mneneri wonga Ine.” Tsopano penyani. Amenewo ndi Mawu. Amenewo ndi Mawu. Ameneyo anali Mulungu. Ameneyo sanali Mose. Mose akanadziwa bwanji zimenezo? Iye anali munthu. Koma Mulungu, akuyankhula kudzera mwa Mose, ananena izi. Kodi inu mukukhulupirira zimenezo? Chabwino.

¹⁷¹ Tsopano zindikirani Yesu, penyani m'mene zikhaldwe Za—Zake zinawazindikiritsira Mawu olonjezedwa awa owona. Iye ndithudi anatero. Iye anazindikiritsidwa ndi khalidwe ili limene Mose ananena kuti Iye akanadzakhala.

¹⁷² Ambiri a iwo, monga lero, iwo akufuna kuwona mtsogoleri wina wamkulu. “O, uyu ndi Dokotala Ph. Wakuti *ndi wakuti*. Iye akuchokera ku Hartford University.” Kapena, “Iye akuchokera kwinakwake kwakukulu kopambana monga choncho.” Chimenecho si chizindikiritsa cha Mulungu. Ayi, ayi. Si kanthu za zimenezo. Mawu ndi amene amamuzindikiritsa Mulungu. Mukuona?

¹⁷³ Yesu sanali wophunzira, komanso Iye sanali wansembe, komanso Iye sanali rabbi, kwa dziko lapansi. Iye anali chigawenga, kwa dziko lapansi.

¹⁷⁴ Koma Mulungu anali kutsimikizira Mawu Ake kudzera mwa Iye, amene anamupanga Iye Emmanuel. Chimenecho chinali chomudzindikiritsa Chake. Tsopano, apa, Yesu akukwaniritsa ichi ndendende chimene Mulungu mu nthawi zamakedzana anati Iye akanadzachita, kudzera mwa Mose, chimene Iye akanadzachita.

¹⁷⁵ Tsopano penyani pamene Iye anakomana ndi Petro, monga ife tinachitira izo mwa sewero usiku wina, pamene Iye anakomana ndi Petro ndipo nkumuuya Petro limene dzina lake linali. Chomuzindikiritsa ichi chinazindikiritsa kudzinenera Kwake kwa Umesiya, kwa Petro, pakuti Mawu anali atanena kuti, “Yehova Mulungu Wanu adzakuukitsirani Mneneri.”

¹⁷⁶ Ndipo Petro anabwerapo, amene anali Simoni pamenepo, anabwera kumene Iye anali. Ndipo Yesu anamuyang’ana iye, anati, “Dzina lako ndi Simoni, ndipo iwe ndiwe mwana wa Yona.” Chimenecho chinazindikiritsa khalidwe la Khristu kuti anali Mawu amenewo amene Mose analonjeza. Petro anazindikira kuti chizindikiro chimenecho chinamuzindikiritsa Yesu kukhala Mesiya. “Mulungu anali mwa Khristu,” kudzodza kwa masiku otsiriza. Kwa Nataniele...Kumbukirani, Iye anamuuya Simoni dzina lake.

¹⁷⁷ Tsopano, penyani, kwa Nataniele Iye anamuuya zimene iye anali attachita. “Iwe unali pansi pa mtengo pamene Ine ndinakuwona iwe.” Zimenezo zinamuzindikiritsa Iye kukhala Mesiya.

¹⁷⁸ Anati, “Inu ndinu Mwana wa Mulungu. Inu ndinu Mfumu ya Israeli.” Iye anadzindikiritsidwa ndi chikhalidwe cha Mawu olonjezedwa akuti Iye anali woti akhala Mesiya. “Yehova Mulungu wanu adzakuukitsiranu Mneneri.”

¹⁷⁹ Mkazi wamng’ono pa chitsime, Iye anamuza chimene iye anali, ndipo chimenecho chinamudzindikiritsa Iye ngati Mesiya wolonjezedwa uyu. Mukuona?

¹⁸⁰ Khalidwe Lake, zikhaldidwe Zake, zinali Mawu akuzindikiritsidwa. Zinali zikhaldidwe Zake zikuwonetsira kuti Mawu anali Mulungu, koteru ameneyo anali Mulungu akuzindikiritsidwa mwa Khristu. Tsopano penyani ichi. Zindikirani.

¹⁸¹ Kwa Petro, Iye anadzindikiritsidwa kwa Petro pakumutchula dzina lake. Iye anadzindikiritsidwa kwa Nataniele pomuuza iye zimene iye anachita. Iye anadzindikiritsidwa ndi mkazi, pomuwuza chimene iye anali. Chimene iye...yemwe *iye* anali; chimene *iye* anachita; ndi chimene *iye* anali. Iye anadzindikiritsa chikhaldidwe Chake cha Umesiya chimene chinali choti chidzakhale khalidwe la Mesiya.

¹⁸² Tayang’anani pa mkazi wamng’ono uyu akunena chinthu chomwecho. “Bwana, ine ndazindikira kuti Inu ndinu mneneri. Ife sitinakhale naye mneneri kwa zaka mazana. Ife takhalapo nawo matchalitchi ambiri, makangano ambiri ndi kusagwirizana kwa zipembedzo, koma ife sitinakhale naye mneneri kwa zaka mazana. Ife tikudziwa kuti pamene Mesiya adzadza, ichi ndi chimene chiti chidzamudzindikiritsa Iye.”

¹⁸³ Iye anati, “Ine ndine Iye, amene akulankhula ndi iwe.” Panalibe chosatsimikizika cha icho, “Ine ndine Iye.” Chimenecho chinamudzindikiritsa Iye.

¹⁸⁴ Mkazi wa vuto la magazi, anamudzindikira Iye Mawu. Motani? Mwa chimene Iye anachita pamene chikhulupiriro chake chinamukhudza Iye. Iye anapotoloka ndipo anati, “Ndani wandikhudza Ine?” Iye anadziwa chinachake chachitika. Chimenecho chinamudzindikiritsa Yesu ngati Mesiya.

¹⁸⁵ Iye anakhulupirira izo, ndipo iye anati, “Ngati ine ndingathe kukhudza chovala Chake, ine ndikhala bwino.”

¹⁸⁶ Chotero mwamsanga pamene iye anamukhudza, Iye anapotoloka, anati, “Tsopano ndani wandikhudza Ine?” Ndipo iwo onse anakana icho. Koma khalidwe Lake la Umesiya . . .

¹⁸⁷ Ameni! Ine ndikuyembekeza inu mukuziwona izo, osonkhana. Mvetserani, pamene ife tikutseka.

¹⁸⁸ Apo iye anamukhudza Iye. Analipo mazana, mwinamwake, akuyesera kuti amukhudze Iye. Petro anamudzudzula Iye, anati, “Chabwino, onse a iwo akukukhudzani Inu.”

¹⁸⁹ Iye anati, “Inde, koma winawake wandikhudza Ine mosiyana.” Ndiko kusiyana kwake, kukhudza kwa

chikhulupiriro uko. Mukuona? Anati, "Winawake wandikhudza Ine. Iko kunali kukhudza kosiyana. Ine ndafooka. Mphamvu zatuluka mwa Ine. Ukoma wachoka mwa Ine." Tsopano, pamenepe Iye akuima.

¹⁹⁰ Tsopano, ngakhale wophunzira Wake Yemwe ananena, mwakulankhula kwina, "Inu mukumveka—mukumveka ngati Inu ndinu munthu wopanda khalidwe. Bwanji, anthu, aliyense akukukhudzani Inu."

¹⁹¹ Penyani Kwake, penyani kudzindikiritsida Kwake tsopano. Iye anapotoloka, anayang'ana kudutsa khamulo. Iye anamusankhulapo iye pomwepo. Iye sakanatha kudzibisa yekha kenanso. Iye anamuua iye za nkhani yake, ndipo anati, "Chikhulupiriro chake chinamuchiritsa iye."

¹⁹² Iye anadziwa, mwa ichi, kuti, Ahebri 4:12, "Mawu amazindikira maganizo, zokhumba zake za mu mtima." Chikhalidwe Chake chinamudzindikiritsa Iye kuti anali "Mawu a Mulungu atasandulika thupi ndipo akukhala pakati pathu." Ameni.

¹⁹³ Ine ndikuganiza chinthu chomwecho usikuuno chikumudzindikiritsa Iye, Yesu Khristu wowukitsida akukhala moyo pakati pathu usikuuno, yemweyo dzulo, lero, ndi kwanthawizonse. Tsopano, monga Ahebri 13:8 ali woona, khalidwe Lake limudzindikiritsa Iye lero, monga ilo linachitira nthawi imeneyo, machitidwe omwewo.

¹⁹⁴ Tayang'anani pa Kleopa ndi iwo, chitachitika chiukitsiro. Yesu anazidzindikiritsa Yekha m'mene Iye ananyemera mkate uja, kuti Iye anachita izo chimodzimodzi basi m'mene Iye anachitira izo Iye asanapachikidwe. Ndipo iwo... Chimenecho chinadzindikiritsa chikhalidwe Chake, chifukwa umo ndi m'mene Iye anachitira izo.

¹⁹⁵ Tsopano ngati Iye akanakhala pano usikuuno, kodi Iye akanazidzindikiritsa Yekha chotani? Chimodzimodzi basi monga Iye anachitira dzulo, pakuti Iye ali yemweyo lero, ndipo adzakhala kwanthawizonse. Ndi chizindikiritsa. Ahebri 4, foro...14 ndi 15, "Iye ali tsopano..." Anati, "Iye ndi Wansembe Wamkulu wathu amene akhoza kukhudzidwa ndi zomverera za zifooko zathu." Iyeyo ndi Wansembe Wamkulu wathu pakali pano. Chitachitika chiukitsiro Chake, itachitika imfa Yake, kutachitika kuikidwa mmanda Kwake, chitachitika chiukitsiro Chake, kutachitika kukwera Kwake, ameni, Iye akanalibe yemweyo dzulo, lero, ndi kwanthawizonse, Wansembe Wamkulu amene akhoza kukhudzidwa ndi kumverera kwa zifooko zathu. Ameni. Iye ali zimenezo, pakali pano, kwa mwamuna ndi mkazi aliyense pano amene ati akhulupirire izo. Iye ndi Wansembe Wamkulu wathu, yemweyo dzulo, lero, ndi kwanthawizonse.

¹⁹⁶ Iye nthawizonse ndi wamoyo. Kodi inu mukukhulupirira zimenezo? [Osonkhana akuti, “Ameni.”—Mkonzi.] Zikhalidwe Zake mopitirira zikumudzindikiritsa Iye chimodzimodzi monga Iye anali pamene Iye ankakhala pa dziko lapansi. Iye akadali wamoyo kuno, usikuuno, mmawonekedwe a Mzimu Woyera. Iye akukhala moyo nthawizonse. Ndipo zikhalidwe Zake zikumutsatira Iye, chimodzimodzi basi monga zimachitira nthawizonse, ngati Iye akanali ndi moyobe.

¹⁹⁷ Ndine wothokoza, usikuuno, kuti, “Mulungu, mu nthawi zamakedzana ndi mmachitidwe osiyanasiyana ankalankhula ndi makolo kudzera mwa aneneri, mmasiku otsiriza ano kudzera mwa Mwana Wake Yesu Khristu.”

¹⁹⁸ Mai, ine sindimadziwa kuti ine ndalankhula motalika chomwecho. Ine ndinaiwala kuti ziri mwanjira imeneyo. Ine ndikupepesa. Ine ndingo... Ine ndiime.

Tiyeni tipemphere.

¹⁹⁹ Atate Akumwamba, Mulungu wamkulu wachifundo! Ambuye, ine—ine...mwinamwake ine ndimalankhula kwambiri. Ine ndikupemphera, Mulungu, ngati ine ndatero, Inu mundikhululukire ine. Koma, Ambuye, ine sindingapemphe chikhululukiro pa zimene ine ndanena. Ine ndangonena zimene Inu munanena mu Mawu Anu apa.

²⁰⁰ Tsopano mawu amodzi okha kapena awiri ochokera kwa Inu, Ambuye, mwinamwake aliyense pano awona izo usikuuno. Anthu, odwala aang’ono achiritsidwa pamene iwo ati awone kuti Inu mukadali Wansembe Wamkulu wathu. Ine ndikupemphera, Ambuye, mu maminiti pang’ono otsatira awa, kuti Inu muwupange Uthenga uwu wamoyo kachiwiri mu chenicheni. Kwa chimene ine ndanena mwa Mawu, mulole chikhalidwe Chanu chikudzindikiritseni Inu pakati pathu, usikuuno, kuti Inu ndinu yemweyo dzulo, lero, ndi kwanthawizonse, pakuti ndi mu Dzina la Yesu ife tikupempha izi. Ameni.

²⁰¹ Mphindi chabe tsopano. Ife, i—ine ndachedwerapo pang’ono, koma kodi inu nonse mungapirire matalikirapo ndithu kuti pakhale mzere wa pemphero kwa maminiti fiftini, twente? Ngati inu mungatero, kwezani mmwamba dzanja lanu, munene, “Ife...” Chabwino, zikomo—zikomo inu. Ine ndinalonjeza kuti ndikutulutsani inu hafu naini. Ndi nthawi imeneyo tsopano; ndi maminiti twente kuti ikwane. Kotero ngati inu mutangondipatsa ine pafupifupi maminiti teni, ine ndifulumirirapo.

²⁰² Tiyeni tiwone, kodi anapereka makadi a pemphero ati lero? [M’bale akuti, “O.”—Mkonzi.] O? Chiyani, kodi usiku wina uja tinayambira pati, wani, wani? [“Ine ndikuganiza anali wani.”] Eya, uh-huh.

²⁰³ Ndiyeno ife, usiku wathawu, ife basi... Mzimu Woyera... Ine ndimamvetsera lero, ndipo ndimabwereza zimene zinanenedwa. Ena a maina achi French aja, ine ndinali...

Mzimu Woyeria; njira yokhayo imene ine ndikanachitira izo, ndikungodikirira ndi kuwona.

²⁰⁴ Mwaona, nthawizina pamene iwe uwona masomphenya, iwo amayenera atembenuzidwe ndi kumasuliridwa. Iwo atanthalauziridwe. Masomphenya, monga inu muta—inu mutawona nkho—nkhosa, zimenezo zikhaza kutanthauza ubweya. Mwaona, inu mukuyenera kukhalanso ndi kumasulira kwa iwo, mwaona, ndi kuwatembenuza masomphenya amenewo ndi kuwatanthauzira iwo.

²⁰⁵ Ndipo ine ndinazindikira usiku wapitawu, ine—ine ndimalephera kuwatchula maina achi French amenewo, ine ndimayenera kutchula zilembo zavo.

²⁰⁶ Ku Africa ndi kozungulira Akafula awo ndi achikunja, ndi zinthu, Iwo umachita kutchula zilembo za dzina lawo molondola, kuwawuza iwo omwe iwo anali, kutchula ilo molondola mu chinenero chawo. Iwo, iwo amadziwa chimene icho chinali, pomwepo pamene iwe watchula zilembo. Koma, mukuona, koma Iye amadziwa zinenero zonse. Iye ndi Mulungu Wamuyaya.

²⁰⁷ Tiyeni tiyambe usikuuno poyambira, tiyeni tinene kuti, sevente faivi, mpaka handiredi, mu O. Ndi O, ndi chimene iye ananena? Ine...[M'bale akuti, “Inde. O.”—Mkonzi.] O, O. Eya. Chabwino. Ndi ndani amene ali ndi khadi la pemphero sevente faivi, tiyeni tiliwone ilo? Mu O, khadi la pemphero O, sevente faivi, kwezani mmwamba dzanja lanu, aliyenseyo amene ali nalo ilo. Ma O. Chabwino. Bwerani komwe *kuno*. Sevente faivi, eyite, eyite faivi, nainte, nainte faivi, handiredi, bwerani mbali *iyi* ngati inu mungatero. Chabwino, ndi, folani apa chakuno, mwamsanga ndithu, chifukwa ife sitikhala ndi nthawi. Ine ndingodalira chabe kuti inu muchita izi.

²⁰⁸ Muyang'ane khadi lanu la pemphero. Muyang'ane khadi la woyandikana naye wanu. Chiyan...Ndipo ngati wina ndi wolumala, muwasunthire iwo mu mzere wa pemphero. Kotero ngati iwo ali ndi O, basi ngati O, sevente-...

²⁰⁹ Sevente faivi mpaka wani handiredi, mudzafole mzere cha *apa*, ngati inu mungatero. Kulikonse kumene inu muli, mmakonde a mmwamba, kulikonse mochuluka, bwerani tsikirani konkuno, ndipo bwerani ku mzere mwamsanga mmene inu mungathere, ngati inu mungatero, kuchitira kuti tisunge nthawi.

²¹⁰ Tsopano ena nonse a inu apa, amene mulibe khadi la pemphero, kodi mungakweze manja anu mmwamba ndi kuti, “Ine ndiribe khadi la pemphero, M'bale Branham, koma ine ndikukhulupirira”? Kwezani manja anu.

²¹¹ Tsopano kumbukirani, ine ndilankhula nanu za Wansembe Wamkulu. “Iyeyo ndi Wansembe Wamkulu amene akhoza kukhudzidwa ndi zomverera za kufooka kwathu.” Iyeyo ndi

Yehova-Yire, “nsembe yoperekedwa ya Ambuye.” Iyeyo ndi *Yehova-Rafa*, “Ambuye amene amachiza nthenda zanu zonse.” Kodi inu mukukhulupirira zimenezo? [Osonkhana akuti, “Ameni.”—Mkonzi.] Iyeyo ndi *Yehova-Manasseh*. *Chikopa*, *Chishango*, *mtendere* wathu, Iyeakanalibe. Chabwino, kodi ndi angati amene akukhulupirira kuti maina achiwombolo onse awo a Yehova anali okamba za Yesu? [“Ameni.”—Mkonzi.] Ndithudi, Iye ankayenera kukhala. Ngati Iye—ngati Iye...Bwanji, iwo ndi osalekanitsika, koteri Iye ankayenera kukhala onse a iwo. Ndipo ngati Iye akadali Yehova-Yire, Iye ndi Yehova-Rafa. Ngati Iye ndi Yehova-Yire...Iye ndi *Yehova-Yire*, ndi “nsembe yoperekedwa ya Ambuye kwa chipulumutso,” ndiye Iye ndi *Yehova-Rafa* amene “amachiza nthenda zathu zonse.” Ameni. Machiritso akhoza kokha kubwera ndi Mulungu.

²¹² Chabwino, pamene anthu akufola mzere; ine ndiribe nthawi yoti ndiwone amene iwo ali ndi chimene iwo ali. Koma tsopano, onse kunja uko amene akudziwa kuti ine sindikukudziwani inu, kwezani m'mwamba dzanja lanu, ndikuti, “Ine ndiri ndi chosowa kwa Mulungu. Koma inu simukundidziwa ine, M'bale Branham, koma ine ndiri ndi chosowa kwa Mulungu. Ine ndingokweza dzanja langa.”

²¹³ Tsopano ngati inu mungakhazikike chabe kwa maminiti pang'ono, penyani, mukhale osamalitsa, mukhale chete. Tsopano ine sindikutanthaiza, pamene ine ndikuti, “mukhale chete,... Ngati Ambuye ati achite chirichonse, inu mudzafuna kuti mumupembedze Ambuye; kumeneko ndi kupembedza. Koma chimene ine ndikutanthaiza, “kumangothamanga thamanga, kumadzuka,” inu mukudziwa, kumeneko ndi kupanda ulemu. Mukuona? Ndipo Mzimu Woyeria ndi wofatsa kwambiri, wofatsa kwambiri. Mukuona? Basi chirichonse monga choncho, umangondichokera ine, ndipo ine ndimachita kumenyerazikatero, kenanso, mwaona. Koma ngati inu mungamamvetsere!

²¹⁴ Inu mukukumbukira lonjezo Lake loyamba? “Uwapangitse anthu akukhulupire iwe, ndiponso ukhale woona mtima, palibe chimene chiti chidzaime pamaso pa pemphero.” Inu mukukumbukira zimenezo? [Osonkhana akuti, “Ameni.”—Mkonzi.] Uko nkulondola. Ndipo ndiko...ine sindinayambe ndaziwonapo izo zikulephera panobe, ndipo izo sizidzalephera. Ndi Mulungu.

²¹⁵ Tsopano ife tifulumira ndi mzere wa pemphero, kuchitira kuti tiwadutsitse ochuluka monga mmene ife tingathere, potengera anthu. Koma inu amene muli ndi khadi la pemphero ndipo simunaitanidwe usikuuno, sungani khadi lanu, ife tikufikirani inu. Chabwino.

²¹⁶ Tsopano inu kunja uko opanda makadi a pemphero, mukumbukire. Kapena, inu kunja uko, kaya inu muli ndi makadi a pemphero kapena ayi, ingokhulupirirani kuti Iye ali ngati

Ahebri mutu wa 4 apa. "Iye ndi Wansembe Wamkulu amene akhoza kukhudzidwa ndi kumverera kwa zifooko zathu." Muone ngati Iye akukhalabe... Muone ngati Yehova wadziimirira Iyemwini pakati pa anthu Ake, monga Iye anachitira mmasiku a Sodomu. Chabwino.

²¹⁷ Chabwino, bwana. Tsopano tiyeni tipemphere, tsopano, mukhale olemekeza kwenikweni. Tsopano kumbukirani, Mawu ochokera kwa Mulungu ndi woposa chimene aliyense angathe kunena. Tsopano, munthu uyu apa, ine—ine sindikumudziwa iye. Ndipo ine ndikuganiza iye... Ndinu mlendo kwa ine, ndi choncho, bwana? [Mbale akuti, "Inde."—Mkonzi.] Ndinu mlendo. Ife tikudziwa chinthu chimodzi, kuti ife awiri tonse tidzayenera kudzaima Pamaso pa Mulungu tsiku lina; ngati munthu, ife tidzayenera tidzakakomane Kumeneko. Iyi ndi nthawi yathu yoyamba kukomana.

²¹⁸ Tsopano ngati inu mungabwere apa, ngati inu mukudwala, ine sindikudziwa; icho chikhoza kukhala chinachakenso, mukuona. Koma ngati ine—ngati ine nditaika manja pa inu, ndikuti, "Alemekaze Ambuye! Pitani, mukakhala bwino." Zimenezo ndi zabwino. Inu mukhoza kukhulupirira zimenezo. Koma nanga bwanji ngati Iye atakuuzani inu chimene chavuta ndi inu? Tsopano, mukuona, izo nzosiyana, ndiye inu mudziwa zimenezo zidzindikiritsa khalidwe Lake. Mukuona, limenelo silingakhale khalidwe langa. Ine ndine munthu; ine sindingadziwe chirichonse cha iye. Ine ndangomuuza iye, "Ine sindikukudziwani inu." Iye sakundidziwa ine. Koma kodi chimenecho chingachite chiyani? Chimenecho chingadzindikiritsa khalidwe la Yesu Khristu yemweyo dzulo, lero, ndi kwanthawizonse. Podziwa kuti uyo sangakhale ine, sangakhale ine, chifukwa ine sindikumudziwa munthuyu. Ine ndakweza dzanja langa; apa pali Mawu. Mukuona? Ine sindikumudziwa iye. Iye sakundidziwa ine. Koma khalidwe la Yesu Khristu...

²¹⁹ Ngati Yesu akanaima apa, ndipo iye, akudwala, ngati iye akanati, "Ambuye Yesu, ndichiritseni ine," kodi Yesu akananena chiyani kwa iye? "Ine ndinachita kale izo." Ndi kulondola uko? [Osonkhana akuti, "Ameni."—Mkonzi.]

²²⁰ "Iye anavulazidwa chifukwa cha mphulupulu zathu; ndi mikwingwirima Yake ife tinachiritsidwa." Chiwombolo chonse chimene ife tingathe kukhala nacho konse chinachitika pa Kalvare. Kuchokera pameneopo kumapitirira, ndi chikhulupiro, kukhulupirira ntchito yotsirizidwa. Nkulondola uko? [Osonkhana akuti, "Ameni."—Mkonzi.] Chabwino.

²²¹ Tsopano, tsopano ngati Yesu ali moyo, ndipo ine ndalankhula za Mawu Ake... Ndi zimenezotu, kubwerera ku kuphweka kuja ndi chikhulupiro, kukhulupirira Mawu Ake. Pamene Iye anakumana ndi ine usiku uja, Iye anati, "Iwe udzafika

pakuti iwe uzidzadziwa ngakhale zinsinsi za mmitima yawo. Iwo sakakhulupirira chizindikiro choyamba chija cha dzanja, iwo adzayenera kudzakhulupirira ichi.” Mukuona? “Iwo akapanda kuchita izo, ndiyе magazi atemberera dziko lapansi.”

²²² Chimodzimodzi monga zinachitira mu nthawi ya Mose. Anati, “Sakakhulupirira zizindikiro ziwiri izo, ndiyе ukatsanulire magazi pa nthaka,” mwaona, “ukatsanulire madzi pa nthaka, iwo akasandulika magazi.”

²²³ Tsopano basi kuti tingopezapo, ngati ine nditangotha kuwona limene liri vuto lanu, chimenecho chingakukwanireni ndi kukupangitsani inu kukhulupirira, sichoncho izo? [M’bale akuti, “Ndithudi.”—Mkonzi.] Inu mukudziwa likuyenera kukhala khalidwe la Munthu yemwe ine ndikumukamba, Yesu Khristu.

²²⁴ Munthuyo, pamene ine ndinangoyang’ana pa iye, akusunthira m’mbuyo. Iye ali ndi mthunzi. Palibepo chinthu chimene mankhwala angathe nkomwe kumuthandiza munthuyo. Iye ali mu chikhaliidwe cha kufa. Uko nkulondola. Iye wakhalapo nayo opareshoni, ndipo opareshoniyo inali opareshoni ya thumbo. Ndipo iyo ndi khansa, ndipo khansayo yafalikira paliponse mwa inu. Ngati uko nkulondola, kwezani mmwamba dzanja lanu. Mulungu Yekha akhoza kumuchiritsa iye. [M’bale akuti, “Aleluya! Aleluya! Aleluya!”—Mkonzi.] Koma, taonani, ine ndikufuna kuti ndinene chinachake kwa inu, bwana. Mdierekezi ameneyo akhoza kukhala kuti wabisala ku mpeni wa adokotala, koma iye sangathe kubisala kwa Mulungu. Kodi inu mukukhulupirira zimenezo? Kodi inu mukukhulupirira izi? [“O! O!”] Ndiye ine ndikupemphera, kuti, mu Dzina la Yesu Khristu, chinthucho chitamusiya iye, munthuyo atakhala moyo. Palibe; wangofooka chabe. Chabwino.

²²⁵ Inu ndi ine ndife alendo kwa wina ndi mzake, mwamuna ndi mkazi akukomana. Tsopano, ngati mwamuna, ine sindikukudziwani inu. Ndipo mwinamwake, ngati mkazi, inu simukundidziwa ine; kuposera ngakhale inu mwangoona chabe dzina langa, kapena chithunzi, kapena chinachake chonga chimenecho. Koma ife sitikudziwana wina ndi mzake. Awo ndi makhaliidwe athu. Ife sitikudziwana khalidwe la wina ndi mzake. Koma chikhaliidwe cha Khristu, Iyeyo ndi Mawu, ndipo Mawu ndi olonjezedwa a tsiku lino. Inu munandimva ine ndikulankhula za izo. Ndiye zikhaliidwe Zake zingamudzindikirite Iye apa. Osati ine kumudzindikiritsa Iye. Ine sindikukudziwani inu. Ine mukumvetsetsa. Athu—osonkhana athu akumvetsetsa zimenezo? [Osonkhana akuti, “Ameni.”—Mkonzi.] Mukuona? Ndine—ndine munthu. Ine ndangokhala m’bale wanu.

²²⁶ Monga mkazi wa pa chitsime, kunena chinachake chimene chakuvutani, chinachake cholakwika ndi inu, kapena chimene

inu mukufuna, kapena chimene inu mwadzera pano. Mulole Mulungu akhale woweruza wa izo. Inu mukuvutika ndi kutha kwa magazi. Uko nkulondola, sichoncho izo? [Mlongo akuti, "Inde."—Mkonzi.]

²²⁷ Ine—ine kawirikawiri ndimagunda chimenecho, winawake akuganiza kuti ine ndangopeka zimenezo. Ine sindimapeka zimenezo. Ayi. Kamodzi kalikonse pa nthawi, ine ndikumverera kuti, winawake. Inu simungathe kubisa maganizo anu tsopano. Tsopano pali pafupifupi, ine ndikuwadziwa, otsutsa awiri oipa kwenikweni amene akhala pano. Mukuona? Kotero tsopano kumbukirani ine ndikhosa kukutchula dzina lanu, aponso, Mulungu akhoza, kotero inu musiye kuganiza zimenezo. Ndiloleni ndikuwonetseni inu.

²²⁸ Taonani apa, dona. Tandiyang'ani ine. Ine sindikudziwa chimene Iye anakuuzani inu, koma ine—ine ndikudziwa chimene Iye ali. Ndipo limenelo ndi khalidwe Lake likudzindikiritsidwa. Inde, ndi vuto la kutha kwa magazi, magazi, madzi.

²²⁹ Tsopano, apa, apa pali chinachake. Muwone ngati iwo akuganiza kuti uku ndi kupeka. Muli ndi mwana amene inu mukumupempherera, amene ali pano. [Mlongo akuti, "Inde."—Mkonzi.] Uko nkulondola. Ali nazo pa mmtero, ["Eya."], zotupa, minyewa ya kukhos. Ndi zoti akapange opareshoni. Si kulondola uko? ["Eya."] Mutenge mpango umenewo ndipo mukawuike iwo pamenepo, ndipo mukakhulupirire. ["Inde."] Musakaike. Izo sizikusowa opareshoni. Tsopano mukhulupirire ndi mtima wanu wonse.

²³⁰ Mukupeza bwanji? Nkhani ndi yakuti, kwa mkazi uyu apa, kuti inu mukuopa za chinachake. Inu mukuchita mantha kuti chidindo cha chibadwa chisanduka khansa. U-huh, u-huh. Tsopano pitani, mukukhulupirira, ndipo sizikakhala mwanjira imeneyo. Kazingopitani, mukukhulupirira ndi mtima wanu wonse. Zikhaldwezo, osati za ine; za Iye!

²³¹ Kodi inu mukukhulupirira tsopano? [Osonkhana akuti, "Ameni."—Mkonzi.] Zimenezo ziyanera kumupangitsa aliyense kukhulupirira. ["Ameni!"]

²³² Tsopano, ine sindikukudziwani inu. Ndine mlendo kwa inu. Mulungu akukudziwani inu. Kodi inu mukukhulupirira zimenezo...? Inu mukudziwa kuti ine sindikukudziwani inu, ndipo inu mukudziwa inu simukundidziwa ine, kotero kodi inu mukukhulupirira kuti Mzimu uwu umene ukuyankhula siungakhale mzimu wanga? Chifukwa, ine, ngati munthu, ine sindikukudziwani inu. Koma khalidwe la Mawu olonjezedwa ndi Mawu amene ali akuthwa kuposa lupanga lakuthwa konsekonde, ndipo amazindikira maganizo ndi zokhumba za mtima.

²³³ Inu mukudwala kwambiri. Inu munali ndi vuto la chikazi, limene linali chiberekero, ndipo chiberekero chimenecho chinali ndi khansa. Ndipo inu munapita ndipo munakatenga

chithandizo chinachake, iwo anali mankhwala a rediamu, ndipo chinthu chokhacho chimene icho chinachita ndi kuyimwaza iyo yonse mwa inu. Ndipo inu—INU mufa ngati Mulungu sakuchirtsani inu. Izo nzoona. Kodi inu mukukhulupirira tsopano kuti Iye akuchirtsani inu? [Mlongo akuti, “Inde.”—Mkonzi.] Mulungu wa Kumwamba adzudzule mdierekezi ameneyo amene akubisala kwa adokotala. [“O!”] Iye akhoza kukhala kuti wabisala kwa rediamu, koma osati kwa Mzimu Woyer. Pitani, mukukhulupirira Iye, tsopano, mlongo. Musakaike nkomwe, koma mukhulupirire.

²³⁴ Kodi inu mukukhulupirira kuti Mulungu akhoza kuchirtsita chikhalidwe cha mphumu icho, ndi kukupangani inu kukhala wabwino? [M’bale akuti, “Inde.”—Mkonzi.] Inu mukukhulupirira izo? Ndiye pitani pa njira yanu, mukukondwera, mukuti, “Zikomo Inu, Ambuye. Ine ndikukhulupirira mphumu yanga yatha.”

²³⁵ Inu mukupeza bwanji? Inu mukuchita manjenje. Inu mwakhala mukuchita manjenje kwa nthawi yaitali. Mmenemo, iwo akupangitsa zilonda kuti zibwere mmimba mwanu, zimene zikukupangitsani inu—vuto lanu la mmimba. Ndipo inu mukufuna... Inu mukufuna mukadye chakudya chanu chogonera? Kodi inu mukachita zimene ine nditi ndikuuzeni inu kuti mukachite? Pitani, mukadye, mu Dzina la Ambuye Yesu.

²³⁶ Kodi inu mukukhulupirira ndi mtima wanu wonse? [Mlongo akuti, “Ine ndikutero.”—Mkonzi.] Ndinu dona wabwino wamphamu wachichepere, zikuwoneka choncho. Kodi inu mukundikhulupirira ine kukhala wantchito Wake? [“Ameni.”] Kodi inu mukukhulupirira chikhalidwe Chake chikhoza kukhala pano, nachonso... Mawu, Iwoeni, ndi lonjezo la tsiku lino, “Ntchito zimene Ine ndikuchita inunso mudzatero”? [“Ameni.”] Ine sindingathe kuchiza. Iye anachita kale zimenezo; koma chikhalidwe Chake chimamuwonetsera Iye, akhoza kukuuzani chimene chakuvutani inu. Inu muli ndi vuto la mkazi, vuto lachikazi. [“Inde, bwana.”] Kodi inu mukukhulupirira kuti Mulungu achiritsa izo tsopano? [“Inde. Ameni.”] Pitani pa njira yanu, izo zisakuvuteninso kenanso. Mukhulupirire ndi mtima wanu wonse.

²³⁷ Kodi inu mukundikhulupirira ine kuti ndine wantchito Wake? [Mlongo akuti, “Inde, bwana.”—Mkonzi.] Ngati Mulungu ati andiuze ine limene liri vuto lanu, kodi inu mukhulupirira kuti ndi chikhalidwe cha Yesu Khristu? Liri ku nsana wanu. Ilo kulibenso. Pitani, mukakhulupirire ndi mtima wanu wonse. Khulupirirani.

²³⁸ Bwerani, dona. Inunso muli ndi vuto la m’mimba. Mukhulupirire ndi mtima wanu wonse, ndipo pitani mukadye

chakudya chanu chogonera. Muiwale za izo. Yesu Khristu wakuchizani inu.

²³⁹ Bwerani. Vuto lanu ndi magazi anu. Inu muli ndi nthenda ya shuga. Kodi inu mukukhulupirira kuti Mulungu akupangani kuti mupeze bwino ndi kukuchiritsani inu chimenecho? Pitani pa njira yanu, ndipo muziti, “Zikomo Inu, Ambuye Yesu,” wakuchiritsani inu. Pitani, mukhulupirire ndi mtima wanu wonse.

²⁴⁰ Bwerani. Nsana wanu, kodi inu mukukhulupirira kuti Mulungu awuchiza nsanawo ndipo akupangani inu kuti mupeze bwino? Pitani pa njira yanu, ndipo muzisangalala, ndi kuti, “Zikomo Inu, Ambuye Yesu.”

²⁴¹ Inunso munali ndi chinachake chovuta ndi nsana wanu. Ingopitirizani kumayenda, mukuti, “Zikomo Inu, Ambuye. Ine ndachiritsidwa.” Mukhulupirire izo ndi mtima wanu wonse.

²⁴² Inunso munali ndi vuto la nsana. Kodi inu mukudziwa chiyani za zimenezo? Mukhulupirire ndi mtima wanu wonse tsopano, ndipo pitani pa njira yanu ndipo mukakhale bwino bwino. Mukukhulupirira Yesu Khristu akuchiritsani inu. “Ngati inu mungakhulupirire, zinthu zonse ndi zotheka.” Chabwino.

²⁴³ Bwanji ngati ine ndikanakhala kuti sindinanene kalikonse kwa inu, kukhala kuti ndinangokudutsani ndi kuika manja pa iye, kodi inu mukukhulupirira kuti iye akanakhala bwino? Iwo amawona chimene chavuta. Kodi inu mukukhulupirira kuti iye akanatero? Bwerani apa. Ine ndikumukaniza mdierekezi uyu, mu Dzina la Yesu Khristu. Mulole mphamvu ya Mulungu imuchiritse mwanayu. Ameni. Musakaikire, musakaikire nkomwe, ndipo iye akhala bwino. Mukhulupirire ndi mtima wanu wonse.

²⁴⁴ Ngati Mulungu sakuchiritsani inu, inu mudzakhala pa ndodo tsiku lina, ndi nyamakazi. Koma inu mukukhulupirira kuti Mulungu achiritsa nyamakazi yanuyo? Ndiye kazipitani, mukuti, “Zikomo Inu, Ambuye. Ine ndikukhulupirirani Inu, ndipo Inu mwandichiritsa ine.” Chabwino.

²⁴⁵ Bwerani tsopano. Kwenikweni ndi usinkhu wanu. Ndinu wamanjenje kwenikweni. Mumakhala wamanjenje kwenikweni, madzulo kukada. Pamene inu mwagwira ntchito ndi chirichonse, inu mumakhala wamanjenje kwenikweni. Inu mukukhulupirira tsopano? Izi sizikakuvutitsaniso inu kenanso. Pitani pa njira yanu, mukuti, “Zikomo Inu, Ambuye Yesu.”

²⁴⁶ Bwerani, bwana. Kodi inu mukukhulupirira kuti Mulungu amachiritsa vuto la mtima? [M’bale akuti, “Inde.”—Mkonzi.] Apanga mtima wanu kukhala bwino? Pitirirani kumasuntha, mukuti, “Zikomo Inu, Ambuye. Ine ndikukhulupirira ndi mtima wanga wonse.”

²⁴⁷ Mulungu amachiritsa TB, ndipo amachizanso, aponso. Kodi inu mukukhulupirira zimenezo, bwana, ndi mtima wanu wonse? [M'bale akuti, "Ine ndikukhulupirira izi."—Mkonzi.] Chabwino. Pitani pa njira yanu ndipo mukukondwera, mukuti, "Zikomo Inu, Ambuye Yesu."

²⁴⁸ Nanga bwanji inu kunja uko, kodi inu mukukhulupirira? Nanga bwanji omvetsera? Ena a inu mwa omvetsera tsopano mukukhulupirira.

²⁴⁹ Bambo uyu amene wakhala pomwe apa, ali ndi nthenda ya mmapapo, kodi inu mukukhulupirira kuti Mulungu achiritsa vuto la mmapapulo? Chabwino, inu mukhoza kukhala nacho chimene inu mwachipempha, ndiye. Ameni.

²⁵⁰ Kuthamanga kwa magazi, mwakhala kumbuyo komwe kwa iye pamene. Kodi inu mukukhulupirira kuti Mulungu achiza kuthamanga kwa magazi kwanuko? Iko kwakusiyani inu, bwana. Ine sindikumudziwa iye, sindinayambe ndamuwonapo iye mmoyo mwanga.

²⁵¹ Kunena, bwana, kodi inu mukukhulupirira kuti kugwirana kwa minyewa uko mu akatumba anu, manjenje a kugwirana kwa minyewa, kodi inu mukukhulupirira kuti Mulungu achiritsa izo? Inu mukutero? Kwezani mmwamba dzanja lanu ngati inu mukukhulupirira. Chabwino.

²⁵² Mkazi wanu wakhala apo, iye akuvutika ndi vuto la nkusani. Kodi inu mukukhulupirira lakusiyani inu, aponso, mlongo?

²⁵³ Dona wakhala kumbuyo kwathu uko, ali ndi dzanzi. Kodi inu mukukhulupirira kuti Mulungu akuchiritsani dzanzi lanulo, dona?

²⁵⁴ Apa pali dona ndi kakhothi kakang'ono, mwavala khothi lofiira, apa. Iye wakhala pamene. Iye ali ndi vuto la nkusani, nayenso. Kodi inu mukukhulupirira kuti Mulungu akuchiritsani vuto lanu la nkusani? Kwezani mmwamba dzanja lanu, ngati inu mukukhulupirira izo.

²⁵⁵ Aliyense muno amene akukhulupirira kuti zikhaldwe za Yesu Khristu ziri pakati pathu, usikuuno, kwezani mmwamba dzanja lanu, ndikuti, "Ine ndikukhulupirira izo." [Osonkhana akusangalala ndipo akuti, "Ine ndikukhulupirira izi!"—Mkonzi.]

²⁵⁶ Onse amene ali muno, akumulandira Iye ngati mchiritsi wanu, imani pa mapazi anu, ndi kuti, "Ine ndikukhulupirira izo." Iimirani. Iimirani, muchoke mmipando yanu, chirichonse chimene icho chiri. Yesu Khristu yemweyo dzulo, lero, ndi kwanthawizonse. Ine ndikumpereka iye kwa inu, mu Dzina la Ambuye Mulungu.



*MULUNGU KUDZIZINDIKIRITSA YEKHA
NDI ZIKHALIDWE ZAKE CHA64-0320*
(God Identifying Himself By His Characteristics)

Uthenga uwu wa M'bale William Marrion Branham, woperekedwa mu Chingerezi Lachisanu usiku, Marichi 20, 1964, ku Denham Springs High School mu Denham Springs, Louisiana, U.S.A., unatengedwa kuchokera pa matepi ojambulidwa ndi maginito nudindidwa mosachotsera mawu ena mu Chingerezi. Kumasulira kwa Chichewa uku kunadindidwa ndi kugawidwa ndi Voice Of God Recordings.

CHICHEWA

©2018 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chidziwitso kwa ofuna kusindikiza

Mafulu onse ndi osungidwa. Bukhu ili mukhoza ku printa kunyumba kwanu ngati mutafuna kuti mugwiritse ntchito inuyo kapena kuti mukawapatse ena, ulere, ngati chida chofalitsira Uthenga wa Yesu Khristu. Bukhu ili simungathe kuligulitsa, kulichulukitsa kuti akhalepo ambiri, kuikidwa pa intaneti, kukaliika pakuti ena azitengapo, kumasuliridwa mu zinenero zina, kapena kugwiritsidwa ntchito ngati njira yopezera ndalama popanda chilolezo chochita kulembedwa ndi a Voice Of God Recordings®.

Ngati mukufuna kuti mumve zambiri kapena ngati mukufuna zipangizo zina zimene tiri nazo, chonde mulembere ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org